

《大智度論》卷 77

〈釋夢中不證品第六十一之餘〉
（大正 25，598c19-602b25）

釋厚觀（2012.03.10）

【經】¹

肆、明「般若相」

（壹）正明般若相

一、如虛空相是般若相

（一）須菩提問

爾時，須菩提²白佛言：「世尊！何等是般若波羅蜜相？」

（二）佛答

佛告須菩提：「如虛空相是般若波羅蜜相。須菩提！般若波羅蜜無所有相。」³

二、一切法相亦如般若相

（一）正明

須菩提白佛言：「世尊！頗有因緣，如般若波羅蜜相，諸法相亦如是耶⁴？」

佛告須菩提：「如是！如是！如⁵般若波羅蜜相，（599a）諸法相亦如是。何以故？須菩提！一切法離相、空相。

以是因緣故，須菩提！如般若波羅蜜相，諸法相亦如是，所謂離相、空相故。」⁶

（二）釋難

1、須菩提難：一切法空中，豈有垢淨及無上菩提可得

須菩提白佛言：「世尊！若一切法一切法離，一切法⁷一切法空，云何知眾生若垢、

¹ 〔【經】〕—【宋】【宮】【聖】，不分卷及品【石】。（大正 25，598d，n.11）

² 《大智度論疏》卷 24：

「爾時，須菩提」已下，即是品之第三，明波若體^{*1}相脩學儀軌，及校量功德等。則論自釋云：所以善吉於此乃問波若相者，佛上既讚嘆波若是世間^{*2}、是道、是大明等；善吉既聞此義故，所以於此中更問其體相也。（卍新續藏 46，904a14-17）

※1 體（去一ㄨ）：同“體”。《玉篇·身部》：“躰、體，並俗體字。”（《漢語大字典》（六），p.3814）

※2 「問」疑「尊」。（卍新續藏 46，904d，n.2）

³ 《大般若波羅蜜多經》卷 453〈60 增上慢品〉：

佛告善現：「甚深般若波羅蜜多虛空為相、無著為相、無相為相。所以者何？善現！於此般若波羅蜜多甚深相中，諸法諸相皆無所有、不可得故。」（大正 7，288c4-7）

⁴ 〔耶〕—【宋】【宮】。（大正 25，598d，n.12）

⁵ 如+（是）【宋】【宮】。（大正 25，598d，n.13）

⁶ 《大般若波羅蜜多經》卷 453〈60 增上慢品〉：「由此因緣可作是說：甚深般若波羅蜜多所有妙相，諸法亦有如是妙相。以一切法皆自性空離諸相故。」（大正 7，288c14-16）

⁷ 法+（相）【元】【明】【聖】【石】。（大正 25，599d，n.1）

若淨？世尊！離相法無垢、無淨，空相法無垢、無淨；⁸離相、空相法不能得阿耨多羅三藐三菩提，離相、空相無法可得。世尊！離相中，空相中，無有菩薩得阿耨多羅三藐三菩提者。世尊！我云何當知佛所說義？」⁹

2、佛答

(1) 論諸法垢淨

A、有垢

佛告¹⁰須菩提：「於汝意云何？是眾生長夜行我、我所心不？」

「如是！世尊！眾生長夜行我¹¹、我所心。」¹²

「於汝意云何？是我、我所心離相不？空相不？」

須菩提言：「世尊！我、我所心離相、空相。」¹³

「於汝意云何？以此我、我所心，眾生往來生死中不？」

「如是！世尊！以此我、我所心，眾生往來生死中。」¹⁴

「如是！須菩提！眾生往來生死中故，知有垢惱。」¹⁵

B、有淨

須菩提！若眾生無我我所心、無著心，是眾生不復往來生死中；若不往來生死中，則無垢惱。如是，須菩提！眾生有淨。」¹⁶

⁸ 垢淨：法空、法離，何垢何淨？（印順法師，《大智度論筆記》〔E016〕p.313）

⁹ 《大般若波羅蜜多經》卷 453〈60 增上慢品〉：

具壽善現復白佛言：「若一切法皆自性空遠離諸相，則一切法一切法空，亦一切法一切法離，云何有情施設染淨？非性空法有染有淨，亦非離法有染有淨；非性空法能證無上正等菩提，亦非離法能證無上正等菩提；非性空中有法可得，亦非離中有法可得；非性空中有菩薩摩訶薩證得無上正等菩提，亦非離中有菩薩摩訶薩證得無上正等菩提。世尊！云何令我解佛所說甚深義趣？」（大正 7，288c16-25）

¹⁰ 《大智度論疏》卷 24：

「佛告」已下，明眾生不解此我、我所心等法皆離故，而忘行之；忘行之故，往反生死，故名「垢」；不行故名「淨」也。當說。（卍新續藏 46，904a22-24）

¹¹ 〔我〕—【聖】。（大正 25，599d，n.2）

¹² 《大般若波羅蜜多經》卷 453〈60 增上慢品〉：

佛告善現：「於意云何？有情長夜有我、我所，心執我、我所不？」

善現對曰：「如是！世尊！有情長夜有我、我所，心執著我、我所。」（大正 7，288c25-28）

¹³ 《大般若波羅蜜多經》卷 453〈60 增上慢品〉：

佛告善現：「於意云何？有情所執我及我所空、遠離不？」

善現對曰：「如是！世尊！有情所執我及我所皆空、遠離。」（大正 7，288c28-289a1）

¹⁴ 《大般若波羅蜜多經》卷 453〈60 增上慢品〉：

佛告善現：「於意云何？豈不有情由我、我所執馳流生死？」

善現對曰：「如是！世尊！諸有情類由我、我所執馳流生死。」（大正 7，289a1-3）

¹⁵ 《大般若波羅蜜多經》卷 453〈60 增上慢品〉：

佛告善現：「如是有情馳流生死，由有雜染，是故有情施設有染。」（大正 7，289a4-5）

¹⁶ (1) 《大般若波羅蜜多經》卷 453〈60 增上慢品〉：「若諸有情無心執著我及我所則無雜染，若無雜染，則不得有馳流生死。馳流生死既不可得，當知有情遠離雜染，由無雜染施設有情。是故，善現！應知有情雖自性空，遠離諸相，而可施設有染有淨。」（大正 7，289a5-9）

(2) 垢淨：眾生妄執生死名垢；無我無著，眾生有淨。（印順法師，《大智度論筆記》〔E016〕p.313）

(2) 論菩薩行果

A、明自利利他行果

(A) 自利行果

a、辨所行

須菩提白佛言：「世尊！若菩薩摩訶薩如是行，為不行色，不行受、想、行、識，為不行四念處乃至八聖道分，為不行內空乃至無法有法空，為不行佛十力乃至一切種智。何以故？是法不可得，亦無行者，亦無行處，亦無行法。」¹⁷

b、辨所得

(a) 世無能降伏

世尊！菩薩摩訶薩如是行，一切世間諸天、人、阿修羅不能降伏。¹⁸

(b) 二乘不能及

是菩薩摩訶薩，一切聲聞、辟支佛所不能及。何以故？所住處無能及故，所謂菩薩位。世尊！是菩薩摩訶薩行應薩婆若心，無能及者！」¹⁹

(c) 疾近薩婆若

「須菩提！菩薩摩訶薩（599b）如是行²⁰，疾近薩婆若。²¹

(B) 利他行果

須菩提²²！於汝意云何？若閻浮提眾生²³盡得人身，得人身已，皆得阿耨多羅三藐三菩提；若有善男子、善女人盡其形壽供養、恭敬、尊重、讚歎，持是善根迴向阿耨多羅三藐三菩提——是人以是因緣得福多不？」²⁴

¹⁷ 《大般若波羅蜜多經》卷 453〈60 增上慢品〉：

爾時具壽善現復白佛言：「世尊！若菩薩摩訶薩能行如是甚深般若波羅蜜多及一切法空、遠離相，是菩薩摩訶薩則不行色，亦不行受、想、行、識；……不行佛十力，亦不行四無所畏、四無礙解、大慈、大悲、大喜、大捨、十八不共法；不行無忘失法，亦不行恒住捨性；不行預流果，亦不行一來、不還、阿羅漢果、獨覺菩提；不行一切智，亦不行道相智、一切相智。所以者何？如是諸法能行、所行及由此行、行時、行處皆不可得。」（大正 7，289a10-b17）

¹⁸ 《大般若波羅蜜多經》卷 453〈60 增上慢品〉：「世尊！若菩薩摩訶薩能如是行，不為一切世間天、人、阿素洛等之所降伏，而能伏彼。」（大正 7，289b17-19）

¹⁹ 《大般若波羅蜜多經》卷 453〈60 增上慢品〉：「世尊！若菩薩摩訶薩能如是行，不為一切聲聞、獨覺之所降伏，而能伏彼。所以者何？是菩薩摩訶薩已得安住無能伏位，謂菩薩離生位。世尊！是菩薩摩訶薩恒住一切智智作意不可屈伏。世尊！是菩薩摩訶薩如是行時，則為隣近一切智智，疾證無上正等菩提。」（大正 7，289b19-25）

²⁰ 行=得【聖】。（大正 25，599d，n.3）

²¹ 《大般若波羅蜜多經》卷 453〈60 增上慢品〉：

佛言：「善現！如是！如是！如汝所說。若菩薩摩訶薩能行如是甚深般若波羅蜜多及一切法空、遠離相，是菩薩摩訶薩則不行色，亦不行受、想、行、識……恒住一切智智作意不可屈伏，則為隣近一切智智，疾證無上正等菩提。」（大正 7，289b25-c6）

²² 提+（於）【聖】。（大正 25，598d，n.4）

²³ 《大智度論疏》卷 24：

「若閻浮提眾生」已下，次校量之。所以校量者，欲勸人以波若教人，此法施利大故也。（卍新續藏 46，904b2-3）

²⁴ 《大般若波羅蜜多經》卷 454〈60 增上慢品〉：「復次，善現！於意云何？假使於此南瞻部洲諸有情類皆得人身，得人身已發心修學諸菩薩行，皆證無上正等菩提。有善男子、善女人等盡其壽量以諸世間上妙樂具，供養恭敬、尊重讚歎此諸如來、應、正等覺，復持如是所集善

須菩提言：「甚多！世尊！」

佛言：「不如是善男子、善女人於大眾中說是般若波羅蜜，出示、分別，照明、開演，亦應般若波羅蜜行正憶念，其福多。²⁵

乃至三千大千世界中眾生，亦如是。

須菩提！於汝意云何？閻浮提中眾生一時皆得人身²⁶，得人身已，若善男子、善女人教行十善道、四禪、四無量心、四無色定，教令得須陀洹道乃至阿羅漢、辟支佛道，教令得阿耨多羅三藐三菩提；持是善根迴向阿耨多羅三藐三菩提。須菩提！於汝意云何？是善男子、善女人得福多不？」

須菩提言：「甚多！世尊！」

佛言：「不如²⁷是善男子、善女人以是甚深般若波羅蜜為眾生說²⁸，出示、分別，照明、開演，亦不離薩婆若，得福多。

乃至三千大千世界，亦如是。

B、釋得大福因緣：相應般若起四無量心，能為一切眾生作福田

是菩薩摩訶薩不遠離應薩婆若心，則到一切福田邊。何以故？除諸佛，無有餘法如菩薩摩訶薩勢力。何以故？諸菩薩摩訶薩行般若波羅蜜時，於一切眾生中起大慈²⁹心；見諸眾生趣死地故，而起大悲；行是道時歡悅而生大喜；不與想俱³⁰，便得大捨。須菩提！是為菩薩摩訶薩大智光明。大智³¹明者，所謂六波羅蜜。³²

根，與諸有情平等共有迴向無上正等菩提。是善男子、善女人等由此因緣得福多不？」(大正 7, 289c15-22)

²⁵ 《大般若波羅蜜多經》卷 454〈60 增上慢品〉：

佛告善現：「若善男子、善女人等，於大眾中宣說如是甚深般若波羅蜜多，施設建立分別開示令其易了，及住如是甚深般若波羅蜜多相應作意。此善男子、善女人等由是因緣所獲功德，甚多於前無量無數。」(大正 7, 289c22-27)

²⁶ 《大智度論疏》卷 24：

「一時皆得人身」已下，次明以五乘法施也。(卍新續藏 46, 904b3-4)

²⁷ 《大智度論疏》卷 24：

「佛言不如」已下，明五乘法施雜故，不如純教般若也。當說。(卍新續藏 46, 904b4-5)

²⁸ 說+ (法)【聖】【石】。(大正 25, 598d, n.5)

²⁹ 《大智度論疏》卷 24：

「何以故？乃至於一切眾生中起大慈等」已下，上明校量福田大小，今次欲明福田所以大義也。(卍新續藏 46, 904b6-7)

³⁰ 《大智度論疏》卷 24：

「不與想俱」已下，明菩薩教化眾生，斷除煩惱故，不與想俱，便得大捨也。(卍新續藏 46, 904b9-10)

³¹ 智+ (光)【元】【明】【聖】。(大正 25, 598d, n.6)

³² 《大般若波羅蜜多經》卷 454〈60 增上慢品〉：「善現！當知是菩薩摩訶薩，由此精進增上威力，到諸有情福田彼岸。所以者何？是菩薩摩訶薩於法精進增上威力，一切有情無能及者，唯除如來、應、正等覺。何以故？善現！是菩薩摩訶薩修行般若波羅蜜多，見諸有情無利樂者，起大慈心，非諸聲聞、獨覺所得；見諸有情有哀苦者，起大悲心，非諸聲聞、獨覺所得；見諸有情得利樂者，起大喜心，非諸聲聞、獨覺所得；見諸有情離性離相，起大捨心，非諸聲聞、獨覺所得。善現！是菩薩摩訶薩雖於有情平等發起大慈、大悲、大喜、大捨，而於一切無所執著，不同異生、聲聞、獨覺隨有所得起執著心。

善現！是菩薩摩訶薩雖於有情平等發起慈、悲、喜、捨，然與捨心非恒共住，常為饒益所化

須菩提！是諸善男子雖未作佛，能為一切眾生作大福田，於阿耨多羅三藐三菩提亦不轉；所受供養——衣服、飲食、臥具³³、床（599c）敷³⁴、疾藥、資生所須，行應般若波羅蜜，念能畢³⁵報施主之恩³⁶，疾近薩婆若。³⁷

（貳）結勸修行

一、正勸

（一）標宗

1、若欲不空食國中施乃至欲令眾生得五眼等，應常學般若

以是故，須菩提！若菩薩摩訶薩⁽¹⁾欲不虛³⁸食國中施、⁽²⁾欲示眾生三乘道、⁽³⁾欲為眾生作大明、⁽⁴⁾欲拔出三界牢獄、⁽⁵⁾欲與一切眾生眼，應常³⁹行般若⁴⁰波羅蜜。

2、常行二事：聖默然，說般若

行般若波羅蜜時，若欲有說，但說般若波羅蜜；說般若波羅蜜已，常憶念般若波羅蜜；常憶念般若波羅蜜已，常行般若波羅蜜，不令餘念得生，晝夜勤行般若波羅蜜相應念，不息不休。

（二）舉喻

須菩提！譬如士夫未⁴¹曾得摩尼珠，後時得，得已，大歡喜踊躍；後復失之，便大憂愁，常憶念是摩尼珠，作是念：『我奈⁴²何忽亡⁴³失⁴⁴此大寶！』

（三）合法

須菩提！菩薩摩訶薩亦如是，常憶念般若波羅蜜，不離薩婆若心。」

二、明修行

（一）明「應薩婆若念之般若行」

有情無暫捨故。善現！是菩薩摩訶薩修行般若波羅蜜多得大光明。謂得布施波羅蜜多大光明故，亦得淨戒波羅蜜多大光明故，亦得安忍波羅蜜多大光明故，亦得精進波羅蜜多大光明故，亦得靜慮波羅蜜多大光明故，亦得般若波羅蜜多大光明故。」（大正 7，290b7-27）

³³ [具] — 【宋】【宮】【元】。（大正 25，598d，n.7）

³⁴ [敷] — 【宋】【宮】【元】。（大正 25，598d，n.8）

³⁵ 畢=必【聖】。（大正 25，598d，n.9）

³⁶ 恩=思【聖】。（大正 25，598d，n.10）

³⁷ 《大般若波羅蜜多經》卷 454〈60 增上慢品〉：「善現！是菩薩摩訶薩雖未證得一切智智，而於無上正等菩提得不退轉故，至有情福田彼岸，堪受一切衣服、飲食、床座、醫藥諸資生具。善現！是菩薩摩訶薩恒住般若波羅蜜多相應作意故，能畢竟報施主恩，亦能親近一切智智。」（大正 7，290b27-c3）

³⁸ 虛：1.空無所有。與“實”相對。（《漢語大詞典》（八），p.814）

³⁹ 常=當【聖】【石】。（大正 25，598d，n.11）。

⁴⁰ 《大智度論疏》卷 24：

「應當行般若」已下，明波若有上來諸德，能與眾生五眼等故，應須學之，是勸脩也。當說。（已新續藏 46，904b12-13）

⁴¹ 未=來【聖】。（大正 25，598d，n.12）

⁴² 奈=云【聖】【石】。（大正 25，598d，n.13）

⁴³ （1）亡=忘【聖】【石】。（大正 25，598d，n.14）

（2）亡：4.丟失，喪失。（《漢語大詞典》（二），p.293）

⁴⁴ [失] — 【宋】【元】【明】【宮】【聖】。（大正 25，598d，n.15）

1、須菩提問

須菩提白佛言：「世尊！一切念性自離、一切念性自空，云何菩薩摩訶薩行般若波羅蜜不離應薩婆若念？是遠離空法中無菩薩，亦無念、無應薩婆若。」⁴⁵

2、佛答

佛告須菩提：「若菩薩摩訶薩如是知：『一切法性自離、一切法性自空，非聲聞、辟支佛作，亦非佛作；諸法相常住、法相、法住、法位、如、實際。』是名菩薩行般若波羅蜜不離薩婆若念。⁴⁶何以故？般若波羅蜜性自離、性自空，不增不減故。」⁴⁷

(二) 明「正行般若增不減，得無上道」**1、須菩提問**

須菩提白佛言：「世尊！若般若波羅蜜性自離、性自空，云何菩薩摩訶薩與般若波羅蜜等⁴⁸，得阿耨多羅三藐三菩提？」⁴⁹

2、佛答**(1) 明理**

佛告須菩提：「菩薩摩訶薩與般若波羅蜜等，不增不減。何以故？如、法性、實際不增不減故。

(2) 釋因由

所以者何？般若波羅蜜非一非異故。⁵⁰

(3) 得益

若菩薩⁵¹聞如是般若波羅蜜相，不⁵²驚、不沒、不畏（600a）不怖、不疑。須菩提！

⁴⁵ 《大般若波羅蜜多經》卷 454〈60 增上慢品〉：

爾時，具壽善現白佛言：「世尊！一切作意自性皆空，一切作意自性皆離，諸法亦爾。於一切法皆自性空、自性離中，若菩薩摩訶薩、若般若波羅蜜多、若一切智智、若諸作意皆不可得，云何如來、應、正等覺勸諸菩薩摩訶薩眾，不離般若波羅蜜多相應作意，亦令不離一切智智相應作意？」（大正 7，290c27-291a4）

⁴⁶ 行般若，能不離薩婆若心。（印順法師，《大智度論筆記》〔E022〕p.321）

⁴⁷ 《大般若波羅蜜多經》卷 454〈60 增上慢品〉：

佛告善現：「若菩薩摩訶薩知一切法、一切作意皆自性空，皆自性離。如是空、離，非聲聞作，非獨覺作，非菩薩作，非如來作，亦非餘作。然一切法法定、法住、法性、法界、不虛妄性、不變異性、平等性、離生性、虛空界、真如、實際、不思議界，法爾常住。是菩薩摩訶薩即為不離甚深般若波羅蜜多相應作意，亦為不離一切智智相應作意。所以者何？甚深般若波羅蜜多、一切智智及諸作意皆自性空，皆自性離。如是空、離無增無減，能正通達名為不離。」（大正 7，291a4-14）

⁴⁸ 《大智度論疏》卷 24：

「與波若波羅蜜等」者，即是與般若波羅蜜合也。（卍新續藏 46，904b16-17）

⁴⁹ 《大般若波羅蜜多經》卷 454〈60 增上慢品〉：

具壽善現復白佛言：「若深般若波羅蜜多亦自性空、自性離者，云何菩薩摩訶薩眾修證般若波羅蜜多平等性已，便得無上正等菩提？」（大正 7，291a14-17）

⁵⁰ 《大般若波羅蜜多經》卷 454〈60 增上慢品〉：

佛告善現：「諸菩薩摩訶薩修證般若波羅蜜多平等性時，非諸佛法有增有減，亦非諸法法定、法住、法性、法界、不虛妄性、不變異性、平等性、離生性、虛空界、真如、實際、不思議界有增有減。何以故？甚深般若波羅蜜多非一、非二、非三、非四，亦非多故。」（大正 7，291a17-22）

當知是菩薩摩訶薩行般若波羅蜜，當知是菩薩摩訶薩必住阿鞞跋致地中。」

（三）明無所行是為行般若

1、略就四門明無行

（1）即空不行

須菩提白佛言：「世尊！般若波羅蜜空、無所有、不堅固⁵³，是行般若波羅蜜不？」⁵⁴
「不也！須菩提！」

（2）離空不行

「世尊！離空，更有法行般若波羅蜜不？」⁵⁵
「不也！須菩提！」

（3）即般若不行

「世尊！是般若波羅蜜，行般若波羅蜜不？」⁵⁶
「不也！須菩提！」

（4）離般若不行

「世尊⁵⁷！離般若波羅蜜，行般若波羅蜜不？」⁵⁸
「不也！須菩提！」

2、別歷諸法明無行

（1）有為法不行

A、五陰不行

「世尊！色是行般若波羅蜜不？」

「不也！須菩提！」

「世尊！受、想、行、識是行般若波羅蜜不？」

「不也！須菩提！」⁵⁹

⁵¹ 薩+（摩訶薩）【聖】【石】。（大正 25，598d，n.16）

⁵² （心）+不【宋】【元】【明】【宮】【聖】【石】。（大正 25，598d，n.17）

⁵³ 《大智度論疏》卷 24：

「須菩提白佛言乃至無所有、不堅固等」已下，此分中，明般若體相，及校量功德脩進儀軌，及衍無生之道等義。明體相及校量等義已竟。今此文來，次明脩進儀軌，及衍無生之道。此下善吉凡設十一問，問脩進之方；前四句是其問正宗；次「色是行般若」等下有六句，是其別歷法助難之意；第十一問是總上十意，更設此一總問也。當一一說。（卍新續藏 46,904b18-24）

⁵⁴ 《大般若波羅蜜多經》卷 454〈60 增上慢品〉：

爾時，具壽善現復白佛言：「世尊！為即深般若波羅蜜多空虛、非有、不自在性、不堅實性，能行深般若波羅蜜多不？」（大正 7，291a28-b1）

⁵⁵ 《大般若波羅蜜多經》卷 454〈60 增上慢品〉：「世尊！為離深般若波羅蜜多空虛、非有、不自在性、不堅實性有法可得，能行深般若波羅蜜多不？」（大正 7，291b1-3）

⁵⁶ 《大般若波羅蜜多經》卷 454〈60 增上慢品〉：「世尊！為即深般若波羅蜜多，能行深般若波羅蜜多不？」（大正 7，291b4-5）

⁵⁷ 世尊=也【聖】。（大正 25，600d，n.1）

⁵⁸ 《大般若波羅蜜多經》卷 454〈60 增上慢品〉：「世尊！為離深般若波羅蜜多有法可得，能行深般若波羅蜜多不？」（大正 7，291b5-7）

⁵⁹ 《大般若波羅蜜多經》卷 454〈60 增上慢品〉：

B、助道法不行

「世尊！六波羅蜜是行般若波羅蜜不？」

「不也！須菩提！」

「世尊！四念處乃至十八不共法是行般若波羅蜜不？」

「不也！須菩提！」

(2) 無為法不行

「世尊！色空相、虛誑不實、無所有、不堅固相，色如相、法相、法住、法位、實際，是行般若波羅蜜不？」

「不也！須菩提！」⁶⁰

「世尊！受、想、行、識乃至十八不共法空相、虛誑不實、無所有、不堅固相、如、法相、法住、法位、實際是行般若波羅蜜不？」

「不也！須菩提！」

3、顯義：諸法不可得故無行

(1) 須菩提問

「世尊！若是諸法皆不行⁶¹般若波羅蜜，云何行名菩薩摩訶薩行般若波羅蜜？」

(2) 佛答

A、不見行般若者

佛告須菩提：「於汝意云何？汝見有法行般若波羅蜜者不？」

「不也！世尊！」

B、不見行般若處

「須菩提！汝見般若波羅蜜菩薩摩訶薩可行處不？」

「不也！世尊！」

「世尊！為即色、受、想、行、識，能行深般若波羅蜜多不？」

「不爾！善現！」

「世尊！為離色、受、想、行、識有法可得，能行深般若波羅蜜多不？」

「不爾！善現！」(大正 7, 291b9-12)

⁶⁰ 《大般若波羅蜜多經》卷 454〈60 增上慢品〉：

「世尊！為即色、受、想、行、識空虛、非有、不自在性、不堅實性，能行深般若波羅蜜多不？」

「不爾！善現！」

「世尊！為離色、受、想、行、識空虛、非有、不自在性、不堅實性有法可得，能行深般若波羅蜜多不？」

「不爾！善現！」……。

「世尊！為即色、受、想、行、識真如、法界、法性、不虛妄性、不變異性、平等性、離生性、法定、法住、實際、虛空界、不思議界，能行深般若波羅蜜多不？」

「不爾！善現！」

「世尊！為離色、受、想、行、識真如、法界、法性、不虛妄性、不變異性、平等性、離生性、法定、法住、實際、虛空界、不思議界有法可得，能行深般若波羅蜜多不？」

「不爾！善現！」(大正 7, 292b21-c9)

⁶¹ 《大智度論疏》卷 24：

「世尊！若是諸法皆不行」已下，第十一總問之辭也。(已新續藏 46, 904b24-c1)

C、不見法亦不可得

「須菩提！汝所不見法，是法可得不？」⁶²

「不也！世尊！」

D、不可得法亦無生

「須菩提！若法不可得，是法當生不？」⁶³

「不也！世尊！」

(四) 悟無生忍得受記而受記不可得

1、得無生法忍，受無上道記

「須菩提！是名⁶⁴菩薩摩訶薩無生法忍。菩薩摩訶薩成就是忍，得受阿耨多羅三藐三菩提記。須菩提！是名諸佛無所畏⁶⁵、無礙智。

菩薩摩訶薩行是法忍⁶⁶，勤精進，若不得大智、一切種智——所謂阿耨多羅三藐三菩提智者⁶⁷，無有是處！何以故？是菩薩摩訶薩得無生法忍故，乃至阿耨多羅三藐三菩提不減不退。」⁶⁸

2、明受記不可得

(1) 正明

A、無生法不得記

須菩提白佛言：「世尊！諸法無生相，此中⁶⁹得阿耨多羅三藐三菩提記不？」

「不也！須菩提！」

⁶² 《大般若波羅蜜多經》卷 454〈60 增上慢品〉：

佛告善現：「於意云何？汝所不見法，是法可得不？」（大正 7，292c22-23）

⁶³ 《大般若波羅蜜多經》卷 454〈60 增上慢品〉：

佛告善現：「於意云何？不可得法有生滅不？」（大正 7，292c24-25）

⁶⁴ 《大智度論疏》卷 24：

「是名」已下，若能解此等諸法不可得、不生等義者，即是菩薩無生法忍也。（卍新續藏 46，904c3-4）

⁶⁵ 《大智度論疏》卷 24：

「是名諸佛無^{*}所畏」已下，此等法是諸佛無所畏法也。（卍新續藏 46，904c4-5）

※案：原卍新續藏作「諸佛所畏」，應作「諸佛無所畏」。

⁶⁶ [忍]—【宋】【元】【明】【宮】。（大正 25，600d，n.2）

⁶⁷（若不得）+者【聖】。（大正 25，600d，n.3）

⁶⁸ 《大般若波羅蜜多經》卷 454〈60 增上慢品〉：

佛告善現：「如汝所見諸法法性，即是菩薩摩訶薩眾無生法忍。若菩薩摩訶薩成就如是無生法忍，便為諸佛授與無上正等菩提不退轉記。是菩薩摩訶薩於佛十力、四無所畏、四無礙解、大慈、大悲、大喜、大捨及十八不共法等，無量無邊殊勝功德，號能精進如實行者。若能如是精進修行，不得無上正等菩提、一切相智、大智、妙智，無有是處。所以者何？是菩薩摩訶薩既已證得無生法忍，乃至無上正等菩提，於所得法常無退減。」（大正 7，292c25-293a6）

⁶⁹ 《大智度論疏》卷 24：

「諸法無生相，此中」已下，善吉因佛上云：「若解諸法不可得，當生不？」「不也！」是無生法忍得授記等義故，更設此問。上以不著無生，故言得記。今此中有二意：一者、言無生法中無得記相。二者、言若著心說無生者亦無得記，故云：「不也！」當說。（卍新續藏 46，904c5-9）

B、生法不得記

「世尊！諸法生相，此中得阿耨多羅三藐三菩提記不？」

「不也！須菩提！」

C、非生非不生法不得記

「世尊！諸法非生非不生⁷⁰相，得阿耨多羅三藐三菩提記不？」

「不也！須菩提！」⁷¹

(2) 般若中無憶想分別故，不見得受記者、受記法**A、須菩提問**

「世尊！諸菩薩摩訶薩云何知諸法得阿耨多羅三藐三菩提記？」

B、佛反詰顯義**(A) 標宗：無得者、無得處**

佛告須菩提：「汝見有法得阿耨多羅三藐三菩提記不？」

「不也！世尊！我不見有法得阿耨多羅三藐三菩提記，我亦不見法有得者、得處。」

(B) 釋因由：般若無憶想分別故

佛言：「如是！如是！須菩提！若菩薩摩訶薩於一切法無所得時，不作是念：『我當得阿耨多羅三藐三菩提，用⁷²是事得阿耨多羅三藐三菩提，是阿⁷³耨多羅三藐三菩提處。』何以故？諸菩薩摩訶薩行般若波羅蜜，無諸憶想分別。所以者何？般若波羅蜜中無諸分別憶想故。」⁷⁴

⁷⁰ 《大智度論疏》卷 24：

「非生非不生」已下，此四句中少第三句，論中有之，記法既離此四句，故並言不也。（卍新續藏 46，904c9-11）

⁷¹ 《大般若波羅蜜多經》卷 454〈60 增上慢品〉：

具壽善現復白佛言：「世尊！諸菩薩摩訶薩為以一切法無生性，得佛無上正等菩提不退轉記不？」

「不爾！善現！」

「世尊！諸菩薩摩訶薩為以一切法生性，得佛無上正等菩提不退轉記不？」

「不爾！善現！」

「世尊！諸菩薩摩訶薩為以一切法生無生性，得佛無上正等菩提不退轉記不？」

「不爾！善現！」

「世尊！諸菩薩摩訶薩為以一切法非生非無生性，得佛無上正等菩提不退轉記不？」

「不爾！善現！」（大正 7，293a6-14）

⁷² 用=因【聖】【石】。（大正 25，600d，n.4）

⁷³ （名）+阿【宋】【元】【明】【宮】【聖】。（大正 25，600d，n.5）

⁷⁴ 《大般若波羅蜜多經》卷 454〈60 增上慢品〉：

佛告善現：「如是！如是！如汝所說。善現！若菩薩摩訶薩於一切法無所得時，不作是念：『我於無上正等菩提當能證得，我用是法於如是時，於如是處，證得無上正等菩提。』所以者何？善現！諸菩薩摩訶薩修行如是甚深般若波羅蜜多，無如是等一切分別。何以故？善現！甚深般若波羅蜜多一切分別皆遠離故。若起如是種種分別，非行般若波羅蜜多。」（大正 7，293a21-28）

【論】

肆、明「般若相」

（壹）正明般若相

一、如虛空相是般若相

（一）須菩提問

問曰：上已⁷⁵種種說般若相⁷⁶，今何以更問？

答曰：般若波羅蜜第一微妙，聞者無厭足，無滿時，無一定相，故不應難。如十住大菩薩於般若波羅蜜猶未滿足，⁷⁷何況須菩提小乘人！

復次，上聞種種讚般若是父、是母等，⁷⁸是故更問。

（二）佛答

佛因須菩提問，為餘眾生故，廣說般若波羅蜜相——「須菩提！所謂虛空相是般若波羅蜜相。如虛空無色相、無非色相，⁷⁹般若波羅蜜亦如是無所有相。」

二、一切法相亦如般若相

（一）正明

須菩提更問：「頗有因緣，諸法相如般若相不？」

佛答：「有。一切法究竟空、究竟離相，故說：『如般若波羅蜜相（600c），一切法亦如是。』」

（二）釋難

1、須菩提難：一切法空中，豈有垢淨及無上菩提可得

須菩提難：「若一切法離相、空相，云何知有垢、淨？⁸⁰云何菩薩得無上道？」

2、佛答

（1）論諸法垢淨⁸¹

A、有垢

佛告須菩提：「於汝意云何？眾生長夜行我、我所等。」是佛所說義，如我、我所畢竟無，眾生狂顛倒因緣故，生諸煩惱；煩惱因緣故有業；業因緣故，於生死中往來——是事本末空。何以故？我無故，我所心虛誑；我所心虛誑故，諸餘因果展轉法皆是虛誑。

⁷⁵ 已=以【石】。（大正 25，600d，n.7）

⁷⁶ 《正觀》（6），pp.190-191：參見《大智度論》卷 54〈27 天主品〉（大正 25，444a28-b5）、卷 67〈45 歎信行品〉（大正 25，528a9-10）、《大智度論》卷 70〈49 問相品〉（大正 25，548b13-549b6）等處之說明。另參見《摩訶般若波羅蜜經》卷 14〈49 問相品〉（大正 8，325b17-326a6）；《放光般若經》卷 11〈50 問相品〉（大正 8，77b14-c27）。

⁷⁷ 十住般若未滿。（印順法師，《大智度論筆記》〔E004〕p.293）

⁷⁸ 《正觀》（6），p.191：指同一品稍前之經文《大智度論》卷 76（大正 25，596c28-597a14）。

⁷⁹ 虛空：無色無非色。（印順法師，《大智度論筆記》〔E013〕p.309）

⁸⁰ 垢淨：法空法離，何垢何淨。（印順法師，《大智度論筆記》〔E016〕p.313）

⁸¹ 垢淨：眾生妄執生死名垢；無我無著，眾生有淨。（印順法師，《大智度論筆記》〔E016〕p.313）

B、有淨

若因般若波羅蜜實智慧，觀五眾無常、苦、空、無我，離自相，自相空，從本來畢竟不生。爾時，我、我所心則滅；如日出，眾冥皆除。我、我所心滅故，餘煩惱滅；餘煩惱滅故，業因緣亦滅；業因緣滅故，往來生死中斷⁸²——是名為「淨」。

C、結成

雖一切法相⁸³皆空，亦以⁸⁴如是因緣故有淨、有垢。

(2) 論菩薩行果**A、明自利利他行果****(A) 自利行果****a、辨所行**

爾時，須菩提思惟籌量佛語已，白佛言：「世尊！菩薩如是行，實不行色等一切法。何以故？是菩薩不得是法若行、行處、行者。」

b、辨所得**(a) 世無能降伏**

「世尊！若菩薩能如是行，一切人、天世間無能降伏」者，

世間人皆著假名，是行者⁸⁵行實法，是故不能伏。

世間人著一切虛誑顛倒及虛誑果報，是菩薩於畢竟空中尚不著，何況餘法！如是，云何可降伏？

「天、人、阿修羅世間」者，是三善道中有智慧人。

故說「不能降⁸⁶伏」。

(b) 二乘不能及

「又復一切聲聞⁸⁷、辟支佛所不能及」者，上三善道，據未得道人；此中說「得道者不能及」。

此中說不能及因緣，所謂「菩薩入法位」，一切魔、魔所使無能惱者。

(c) 疾近薩婆若

是菩薩常行應薩婆若心，則近阿耨多羅三藐三菩提。何以故？不著一切法，常集一切助道法故。

佛可其言而讚。⁸⁸

⁸² 斷我我所，三障隨斷。(印順法師，《大智度論筆記》〔E022〕p.321)

⁸³ 〔相〕—【聖】。(大正 25, 600d, n.8)

⁸⁴ 〔以〕—【宋】【宮】。(大正 25, 600d, n.9)

⁸⁵ 《大智度論疏》卷 24：

「是行者」已下，世間人多行虛誑法，是行者行真實法，云何乃為行誑法人所伏？故云：不能伏也。(已新續藏 46, 904c17-18)

⁸⁶ 〔降〕—【宋】【元】【明】【宮】。(大正 25, 600d, n.10)

⁸⁷ 《大智度論疏》卷 24：

「又復一切聲聞」已下，次明二乘聖人尚不能伏，況三善道！三善道尚不能伏，況三惡道！故不說也。(已新續藏 46, 904c19-20)

⁸⁸ 「佛可其言而讚」，是指《摩訶般若波羅蜜經》卷 18〈61 夢誓品〉：「須菩提！菩薩摩訶薩如

(B) 利他行果

佛欲以如是智慧⁸⁹（601a）為他人說故，先讚菩薩自利益；今為利益他，分別福德果報故，問須菩提：「於汝意云何？閻浮提眾生盡得人身，如經廣說。乃至應薩婆若心，出一切福田之上。」

B、釋得大福因緣：相應般若起四無量心，能為一切眾生作福田

是中說因緣：「若菩薩能自行般若波羅蜜，亦能教化⁹⁰，是人於一切福田能到其邊。」
「福田」者，從須陀洹乃至佛。

是菩薩能如所⁹¹說般若波羅蜜⁹²履行，則得作佛。

餘福德善法，離般若波羅蜜故皆盡，般若波羅蜜不可盡故。

言「無有餘⁹³福德如菩薩摩訶薩力勢」者，是中自說因緣：「菩薩行般若時，得諸法平等忍⁹⁴；得平等忍故，雖行空，亦能生四無量心⁹⁵。」

四無量心中，大悲是大乘之本；見眾生就於死法，如囚受戮⁹⁶。

諸菩薩能生六波羅蜜等乃至一切種智，是故⁹⁷諸菩薩能生大悲。

是故是人雖未得無上道，已是一切眾生之福田。

(貳) 結勸修行

一、正勸

(一) 標宗：不離般若行

1、若欲不空食國中施乃至欲令眾生得五眼等，應常學般若

是故言：「菩薩摩訶薩若欲不空食國中施者，當學般若波羅蜜。」

「不空食」名「能報施主，能生道，能令施主之福無盡，乃至入涅槃」。⁹⁸

若示眾生三乘道，為眾生示一切智大明，亦欲拔出三界獄中四縛⁹⁹，欲令眾生得五眼，應常行般若波羅蜜相應念。

「相應念」者，即是般若心。

是行，疾近薩婆若。」（大正 8，354b16-17）另參見《大智度論》卷 77〈61 夢中不證品〉（大正 25，599a29-b1）。

⁸⁹ 《大智度論疏》卷 24：

「佛欲以如是智慧」已下，釋上校量福田等意也。（卍新續藏 46，904c21）

⁹⁰ 化=他【宋】【元】【明】【宮】【聖】【石】。（大正 25，601d，n.1）

⁹¹ 所=是【聖】【石】。（大正 25，601a，n.2）

⁹² 〔波羅蜜〕—【宋】【元】【明】【宮】。（大正 25，601d，n.3）

⁹³ 〔無有餘〕—【石】。（大正 25，601d，n.4）

⁹⁴ 《大智度論疏》卷 24：

「諸法平等忍」者，即是無生忍也。（卍新續藏 46，904c21-22）

⁹⁵ 四無量心。（印順法師，《大智度論筆記》〔E016〕p.313）

⁹⁶ 戮（ㄌㄨˋㄨㄥˋ）：1.殺。（《漢語大詞典》（五），p.238）

⁹⁷ 〔是故……悲〕九字—【宋】【元】【明】【宮】。（大正 25，601d，n.5）

⁹⁸ 《大智度論疏》卷 24：「施惡人、畜生等尚有報；但《大本經》中是自貶之辭，故云或空無報，欲使人進德，令如此中行者不空食施故也。當說。」（卍新續藏 46，904c21-24）

⁹⁹ 《長阿含經》卷 8（9 經）《眾集經》：「復有四法，謂四縛：貪欲身縛、瞋恚身縛、戒盜身縛、我見身縛。」（大正 1，50c6-7）

2、常行二事：聖默然，說般若

若行般若波羅蜜心；若有所說，但說般若波羅蜜。

佛勅弟子，若和合共住，常行二事：一者、賢聖默然，二者、說法。¹⁰⁰

「賢聖默然」者，是般若心；「說法」者，說般若波羅蜜。¹⁰¹

是人從般若心出，說般若波羅蜜；說般若波羅蜜已，還入般若中，不令餘心、餘語得¹⁰²入。

「晝夜常行」，是「不休不息」。

如是得先所（601b）說功德。

(二) 舉喻

佛欲令是事明了，故說¹⁰³譬喻：「如貧人失大價¹⁰⁴寶，常念不離。」

(三) 合法

「菩薩亦如是不離薩婆若心，常行般若波羅蜜，不休不息。」

二、明修行**(一) 明「應薩婆若念之般若行」****1、須菩提問**

爾時，須菩提聞是事，白佛言：「世尊！若一切諸念¹⁰⁵空，云何菩薩不離薩婆若念？空中，菩薩不可得，薩婆若亦不可得。」

2、佛答

佛答：「若菩薩知一切法離自性，非聲聞、辟支佛所作，亦非佛所作，自從因緣出；諸法法¹⁰⁶相、如、實際常住世間，¹⁰⁷即是菩薩不離般若波羅蜜行。」

佛自說因緣：「般若波羅蜜空故、離故，不增不減。」

(二) 明「正行般若不增不減，得無上道」**1、須菩提問**

須菩提聞是，復問佛：「若般若波羅蜜性空，云何菩薩與般若合得無上道？」

¹⁰⁰ (1) 參見《別譯雜阿含經》卷 1 (8 經)：「汝諸比丘，若多、若少，應行二事：一者、應說法要；二者、若無所說，應答默然，不得論說諸餘俗事。汝等今者，莫輕默然；而默然者，有大利益。」(大正 2, 376a3-6)

案：所對應之《雜阿含經》(1069 經)無此內容。

(2) 經：聖默然，聖說法。(印順法師，《大智度論筆記》[H001] p.391)

¹⁰¹ 「聖默然——般若心〔觀〕

佛勅弟子常行二事——聖說法——般若說 (印順法師，《大智度論筆記》[B029] p.170)

¹⁰² 〔得〕—【聖】。(大正 25, 601d, n.7)

¹⁰³ 〔說〕—【聖】。(大正 25, 601d, n.8)

¹⁰⁴ 價=賈【聖】。(大正 25, 601d, n.9)

¹⁰⁵ 念=法【聖】【石】。(大正 25, 601d, n.10)

¹⁰⁶ 〔法〕—【宋】【元】【明】【宮】。(大正 25, 601d, n.11)

¹⁰⁷ 法性常住：非一切作，從因緣出，常住世間。(印順法師，《大智度論筆記》[E005] p.295)

2、佛答

(1) 明理

佛隨¹⁰⁸須菩提語：「若菩薩與般若波羅蜜合，則不增不減；諸法如、法性、實際不增不減故，般若波羅蜜不增不減。」

般若波羅蜜，即是諸法如、法性、實際；如、法性、實際，即是般若波羅蜜。

(2) 釋因由

此中佛自說因緣：「如『如』等三法非一非異，¹⁰⁹般若亦如是。」

世間法，非一即是二，不異即是一；¹¹⁰般若波羅蜜則不爾。是故般若波羅蜜無量無邊。

空、無相、無作故不增不減。

若菩薩得是不增不減，則能得阿耨多羅三藐三菩提。

(3) 得益

若菩薩聞是事，通達無礙¹¹¹、入佛智慧，雖未作佛，信力故¹¹²於佛法中亦無疑，不怖、不畏。

所以者何？凡夫著我心故有畏，是菩薩我相¹¹³斷故無所畏。

當知是菩薩即住阿鞞跋致地，亦能正行般若。

(三) 明無所行是為行般若

1、略就四門明無行

(1) 即空不行

須菩提聞是菩薩正行般若波羅蜜，是故問佛：「世尊！般若波羅蜜觀一切空、不牢固，是空相為行般若¹¹⁴不？」

佛言：「不也！」

何以故？若空無有法，云何行般若？

(2) 離空不行

「離是(601c)空，更有法行般若不？」

佛言：「不也！」

何以故？若一切法空、無相、無作，云何離空更有法？是故說「不」。

¹⁰⁸ 隨+（順）【聖】【石】。（大正 25，601d，n.12）

¹⁰⁹ 般若、法性、如，非一非異。（印順法師，《大智度論筆記》〔B029〕p.170）

¹¹⁰ 一不一即異

世間法一不異即一（印順法師，《大智度論筆記》〔B029〕p.170）

¹¹¹ 礙=得【宋】【宮】。（大正 25，601d，n.13）

¹¹² 《大智度論疏》卷 24：

「信力故」已下，明下從凡夫、上至諸佛悉皆具有信等五根，通漏、無漏。若言觀中無信者，亦應無慧。何以故？佛法中必須信慧相隨。慧無信者，屬於耶^{*}慧。若言為入空故須有慧者，亦為入佛法故須有信。釋上信不疑等義也。當說。（已新續藏 46，905a5-9）

※耶（ㄊ一ㄝˇ）：用同“邪”。不正當。（《漢語大詞典》（八），p.654）

¹¹³ 相=想【宋】【元】【明】【宮】【聖】【石】。（大正 25，601d，n.14）

¹¹⁴ 若+（波羅蜜）【聖】。（大正 25，601d，n.15）

(3) 即般若不行

須菩提聞空非行般若、離空非行般若；一切法皆攝在般若中，今但問：「般若行般若不？」

法不自行，應以異法行，是故言「不」。

(4) 離般若不行

復問：「離般若，更有法行般若不？」

佛言：「不。」

何以故？一切法攝在般若中，更無法行般若。

2、別歷諸法明無行

(1) 有為法不行

A、五陰不行

先來略問行般若者，今問名字因緣：「五眾行般若不？」

佛言：「不。」

何以故？是五眾從虛誑和合因緣，不自在故，無住¹¹⁵相，云何能行？

B、助道法不行

須菩提更問：「若菩薩假名字空不實故不行般若，今六波羅蜜等諸助道法行般若波羅蜜不？」

佛言：「不。」

何以故？如五眾和合有故不能行，是諸法亦如是。

(2) 無為法不行

「色等法空相、不牢固，如、法相、法位、法住、實際——是法行般若不？」

佛答：「是法無為法，不生不滅、常住自性，故不行。」

3、顯義：諸法不可得故無行

(1) 須菩提問

須菩提問佛：「世尊！假名字故，人不行；諸法亦和合因緣生、無自性故亦不行；誰當行般若？若不行，云何得無上道？」

(2) 佛答

A、不見行般若者

今佛以反問答：「於汝意云何？」須菩提從佛急求行般若者，是故佛問：「汝以慧眼見，定有一法行般若不？」

須菩提¹¹⁶因三解脫門入諸法實相中，法相不可得，何況行者！是故答言：「世尊！不見有行般若者。」

B、不見行般若處

復問：「汝見是般若波羅蜜菩薩行處不？」

¹¹⁵ 住 = 作【宋】【元】【明】【宮】，聖本有傍註「作或本」三字。(大正 25, 601d, n.16)

¹¹⁶ 提 + (自)【聖】【石】。(大正 25, 601d, n.17)

須菩提答¹¹⁷：「不見。」

何以故？般若波羅蜜中一切諸觀滅——若常若無常、若生滅等，無一法定相是般若，云何當說是般若波羅蜜？

C、不見法亦不可得

復問：「若汝以智慧眼不見法，是不見法為有為無？」

答言：「無。」

何以故？（602a）佛說智慧眼實，肉眼、天眼虛誑；須菩提以慧眼觀，不見，故言「無」。

D、不可得法亦無生

復問：「若法無、不可得，是法有生不？」

答言：「不生。」

是法本自無、畢竟空、無所有，是法有、無等¹¹⁸戲論已滅，云何有生？

(四) 悟無生忍得受記而受記不可得

1、得無生法忍，受無上道記

佛語須菩提：「若菩薩於是法中通達無疑，信力、智慧力故，能住是法中，是名無生忍。」

五眾中假名「菩薩」，得如是法，是名「行般若波羅蜜」——世俗法故說，非第一義；第一義中，諸戲論語言即是無生。¹¹⁹

「得是無生忍，便受無上道記。」

佛言：「若菩薩一心勤精進、不休不息，隨無生忍行，不得是大智慧、無上智慧、一切智，無有是處！」

何以故？如《經》說：「若無因無緣則無果報，邪¹²⁰因緣¹²¹亦無果報，因緣少亦無果報。」¹²²如是菩薩得是無生法忍，捨是生死肉身，得法性生身，住菩薩果報神通中，一時能作無量變化身，淨¹²³佛世界¹²⁴、度脫眾生。是人末後身具足佛法，坐道場——具足正¹²⁵因緣，若不得阿耨多羅三藐三菩提，無有是處！所以者何？是人得

¹¹⁷ 答+（言）【宋】【元】【明】【宮】。（大正 25，601d，n.18）

¹¹⁸ 等=義【宋】【元】【明】【宮】。（大正 25，602d，n.1）

¹¹⁹ 二諦：建立於世間語言，無俗則無真，二諦皆有。（印順法師，《大智度論筆記》[E002]p.286）

¹²⁰ （1）耶=邪【元】【明】。（大正 25，602d，n.2）

（2）《大正藏》原作「耶」，今依【元】【明】作「邪」。

¹²¹ 《大智度論疏》卷 24：

「耶因緣」者，不得正果。今此中論正果報也。「因緣少」已下，明須萬行具足，方得妙果。菩薩於法性中，智慧功德法身冥於法性，而增長盛明，故云法性生變化身者，是法性身上用也。當說。（已新續藏 46，905a14-18）

¹²² 此經出處待考。

¹²³ 《大正藏》原作「淨」，今依《高麗藏》作「淨」（14 冊，1151c13）。

¹²⁴ 世界=國土【聖】【石】。（大正 25，602d，n.3）

¹²⁵ 正=止【宋】。（大正 25，602d，n.4）

無生忍法¹²⁶，一心直進，無有廢退故。

2、明受記不可得

(1) 正明

A、無生法不得記

(A) 須菩提問

菩薩未得無生法忍，深著世間法，諸煩惱厚，雖有福德善心，軟¹²⁷薄不進¹²⁸故，為煩惱所遮；得無生忍法¹²⁹，無復是事。

未得無生忍法，用力艱難，譬如陸行；得無生法忍已，用力甚易，譬如乘船。¹³⁰是故無生法忍，諸菩薩所貴。

以是貴故，須菩提問：「世尊！得無生法故受記？」

(B) 佛答

佛言：「不也！」

何以故？無生法不生不滅、無得相，云何¹³¹因是受記？

B、生法不得記

復問：「生法得記耶？」

佛言：「不得。」

何以故？生法虛誑、妄語、作法，云何得阿耨多羅三藐三（602b）菩提真實法？

C、生不生法不得記

復問：「生不生得受記不？」

佛言：「不也！」

何以故？此二俱有過故¹³²。

(2) 般若中無憶想分別故，不見得受記者、受記法

A、須菩提問

復問：「世尊！若爾者，云何當授¹³³記？」

B、佛反詰顯義

(A) 標宗：無得者、無得處

佛反問：「汝以慧眼觀，見有法與菩薩授記不？」

¹²⁶ 忍法=法忍【聖】【石】。(大正 25, 602d, n.5)

¹²⁷ 軟=濡【宋】【元】【明】【宮】【聖】。(大正 25, 602d, n.6)

¹²⁸ 進=集【宋】【元】【明】【宮】。(大正 25, 602d, n.7)

¹²⁹ 忍法=法忍【宋】【元】【明】【宮】【聖】【石】(大正 25, 602d, n.8)

¹³⁰ 二種菩薩：修行難易。(印順法師，《大智度論筆記》[E021] p.320)

¹³¹ 何+（云）【宋】【宮】。(大正 25, 602d, n.9)

¹³² 《大智度論疏》卷 24：

「此二俱有過故」已下，若言不生，則同上第一句不生過；若言生，同第二句過；此是第三句。上經中乃有第四句，無第三。此中有第三句，無第四句。若別行經中，則具足四句也。當說。(卍新續藏 46, 905b1-5)

¹³³ 授=受【宋】【元】【明】【宮】【聖】【石】。(大正 25, 602d, n.10)

答言：「不見。」

何以故？是法從本已來寂滅相，是中無見不見、授¹³⁴記不授記，亦不見阿耨多羅三藐三菩提，亦無得法、亦無得者。

（B）釋因由：般若無憶想分別故

此中自說因緣：「般若波羅蜜無是憶想分別。」

※ 釋疑：佛還以無生理回答之理由

問曰：須菩提上問「菩薩得無生忍故受¹³⁵記」，佛言「不」；佛何以還以無生理答，所謂「菩薩行般若時，無一切憶想分別」？

答曰：行者實以無生忍故受記；而須菩提為菩薩故，以著心、得心問，以是故言「不」。

如一切法實無我，婆蹉¹³⁶梵志問佛：「有我不？」佛默然不答。

「無我不？」佛亦不答。

一切雖實無我，以梵志著心問，欲戲弄無我，故不答。¹³⁷

須菩提問意——知定有受記事，但不知觀何法得記，故問。

是故佛以須菩提所得法問：「汝以慧眼見定有法受記不？」

須菩提住三解脫門中，觀法性，不見定有受記者，諸法法性無相、無量故；若不見受記法，云何當得阿耨多羅三藐三菩提者¹³⁸？

須菩提聞是受記者空，難情¹³⁹則息，自解無疑。

佛可其意：「如是！如是！汝不見不得法是實。何以故？般若波羅蜜相，無所分別故¹⁴⁰。」¹⁴¹

¹³⁴ 授=受【元】【明】【聖】【石】（大正 25，602d，n.11）

¹³⁵ 受=授【宋】。（大正 25，602d，n.12）

¹³⁶ 蹉（ㄔㄨㄛˊ）。（《漢語大詞典》（十），p.523）

¹³⁷ （1）詳見《雜阿含經》卷 34（961 經）（大正 2，245b9-25）。

（2）不答婆蹉梵志。（印順法師，《大智度論筆記》〔H027〕p.421）

¹³⁸ 〔者〕—【聖】。（大正 25，602d，n.13）

¹³⁹ 情：2.指心情。6.意願，欲望。（《漢語大詞典》（七），p.576）

¹⁴⁰ 故+（釋第六十品竟，大智度經卷第七十七）【石】。（大正 25，602d，n.14）

¹⁴¹ 卷第七十七終【石】。（大正 25，602d，n.15）

〈釋同學品第六十二〉¹⁴²
 (大正 25, 602b26-604c1)

【經】

壹、明行般若得無量功德¹⁴³

(壹) 不雜餘心心數法，如說行般若得大功德

一、天主歎不雜餘心心數法修般若得大功德，佛述成

(一) 天主歎

爾時，釋提桓因¹⁴⁴白佛言：「世尊！是般若波羅蜜無諸憶想分別，畢竟離故。世尊！是眾生聞是般若波羅蜜能受¹⁴⁵持、讀、誦、說、正憶念、(602c) 親近、如說行，乃至阿耨多羅三藐三菩提，不雜¹⁴⁶餘心心數法者，不從小功德來。」

(二) 佛述成，校德顯勝

1、佛述成

佛言：「如是！如是！聞是深般若波羅蜜，乃至不雜餘心心數法者，不從小功德來。」

2、校德顯勝

憍尸迦！於汝意云何？若閻浮提眾生成就十善道、四禪、四無量心、四無色定，復有善男子、善女人受持深般若波羅蜜，讀、誦、親近、正憶念、如說行，勝於閻浮提眾生成就十善道乃至四無色定百倍、千倍、千萬億倍，乃至算數譬喻所不能及。」

二、如說行般若者功德勝餘無方便者

(一) 比丘歎

爾時，有一比丘語釋提桓因：「憍尸迦！是善男子、善女人行般若波羅蜜功德勝於仁者！」

(二) 天主歎

1、歎菩薩一發心便勝帝釋

釋提桓因言：「是善男子、善女人一發心¹⁴⁷勝於我，何況聞是般若波羅蜜，書、持、讀、誦、正憶念、如說¹⁴⁸行！」

¹⁴² 卷第七十八首【石】，(大智……二)十二字=(大智論釋魔愁品第六十二)十一字【宋】【宮】但上註二下宮本有「品」字，(大智度論釋魔愁品第六十二)十二字【元】，(釋魔愁品第六十二)八字【明】，(摩訶般若波羅蜜品第六十一同學品七十八)十八字【石】。(大正 25, 602d, n.16)

¹⁴³ 《大品經義疏》卷 9：「此是第三——親近善友得無邊功德為三：第一、明不雜心得大功德，二、明巧學般若令魔驚怖，第三、廣明留難令行者識知。」(卍新續藏 24, 314c19-21)

¹⁴⁴ 《大智度論疏》卷 24：

「爾時，釋提桓因」已下，就此品中，大有二分：第一、明天主讚嘆脩者之德及校量勝劣、明華報等義。第二、明示行同住和敬，視如世尊，成於生忍。此初即是第一也。當一一說。(卍新續藏 46, 905b15-18)

¹⁴⁵ [受]—【宋】【宮】。(大正 25, 602d, n.17)

¹⁴⁶ 雜=離【石】。(大正 25, 602d, n.18)

¹⁴⁷ 心+(尚)【元】【明】。(大正 25, 602d, n.19)

¹⁴⁸ 說+(修)【石】。(大正 25, 602d, n.20)

2、如說行般若之菩薩，超勝凡夫、二乘，乃至行般若無方便力者¹⁴⁹

是善男子、善女人行般若波羅蜜，非但勝我，亦勝一切世間天及人、阿修羅；非但勝一切世間天及人、阿修羅，亦勝諸須陀洹、斯陀含、阿那含、阿羅漢、辟支佛；非但勝是須陀洹乃至辟支佛，亦勝菩薩行五波羅蜜、遠離般若波羅蜜者；非但勝菩薩行五波羅蜜、遠離般若波羅蜜者，亦勝菩薩行般若波羅蜜無方便力者。

3、菩薩如說行般若故，不斷佛種，得現世功德

(1) 明勝因緣

是菩薩摩訶薩如說行般若波羅蜜，不斷佛種，常見諸佛，疾¹⁵⁰近道場。

菩薩如是行，為欲拔出眾生沈沒長流者。

是菩薩如是學，為不學聲聞、辟支佛學。¹⁵¹

(2) 明現世功德

菩薩如是學，四天王天來至菩薩所，如是言：『善男子！當勤疾學，坐道場，成阿耨多羅三藐三菩提時，如過去諸佛所受四鉢，亦當應受，我當持來奉上菩薩。』及諸餘天——四天王天、三十三天、夜摩天、兜率陀天、化樂天、他化自在天、梵天（603a）乃至首陀會天¹⁵²，亦當供養。

十方諸佛亦常念是菩薩摩訶薩如說行是深般若波羅蜜者。

是菩薩諸所有世間厄難¹⁵³勤苦之事永無復有；一切世間有四百四病，是菩薩身中無¹⁵⁴是諸¹⁵⁵病。

以¹⁵⁶行深般若波羅蜜故，得是現世功德。」

三、明「帝釋依佛力說」

(一) 阿難疑

爾時，阿難作是念：「釋提桓因自以力說耶？以佛神力說乎？」

(二) 天主釋

釋提桓因知阿難意所念，語阿難言：「我之所說，皆¹⁵⁷佛威神！」

(三) 佛述成

佛告阿難：「如是！如是！如釋提桓因所說，皆佛威神。」

¹⁴⁹ 行十法行，念念不雜，超勝凡、小、有得六度。（印順法師，《大智度論筆記》〔E022〕p.321）

¹⁵⁰ 疾：18.快速，急速。（《漢語大詞典》（八），p.296）

¹⁵¹ 《大般若波羅蜜多經》卷 454〈61 同學品〉：「苾芻當知！是菩薩摩訶薩如說修行甚深般若波羅蜜多故，常學菩薩摩訶薩眾所應學法，不學聲聞及獨覺等所應學法。」（大正 7，294a20-23）

¹⁵² 首陀會（śuddhāvāsa）天：即淨居天。

¹⁵³ 《大智度論疏》卷 24：

「所有世間厄難」已下，校量已竟。次明華報也。（已新續藏 46，905c5）

¹⁵⁴ 無+（有）【石】。（大正 25，603d，n.1）

¹⁵⁵ 〔諸〕—【石】。（大正 25，603d，n.2）

¹⁵⁶ 以+（是）【石】。（大正 25，603d，n.3）

¹⁵⁷ 皆=是【石】。（大正 25，603d，n.4）

（貳）巧學般若令魔驚怖

阿難！是菩薩摩訶薩習學是深般若波羅蜜時，三千大千世界中諸惡魔皆生狐疑¹⁵⁸：¹⁵⁹

『今是菩薩為當得阿耨多羅三藐三菩提？當中道於實際作證，墮聲聞、辟支佛地？』

復次，阿難！若菩薩摩訶薩不離般若波羅蜜時，魔大愁毒¹⁶⁰，如箭入心。是時，魔復放大火風，四方俱起，欲令菩薩心沒、恐怖、懈怠，於薩婆¹⁶¹若中乃至起一亂念¹⁶²。」

（參）廣明留難，令行者識知**一、阿難問**

阿難白佛言：「世尊！魔為都燒亂¹⁶³諸菩薩？有不燒亂者？」

二、佛分別答

佛告阿難：「有燒者，有不燒者。」

三、詳論為魔所燒者

阿難白佛言：「世尊！何等菩薩為惡魔所燒？」¹⁶⁴

（一）心不信解（印順法師，《大智度論筆記》〔E022〕p.321）

佛言：「有菩薩摩訶薩先世聞是深般若波羅蜜，心不信解。如是菩薩，魔得其便。」

（二）疑般若無有

復次，阿難！菩薩聞說是深般若波羅蜜時，意疑：『是般若波羅蜜，為實有？為實無？』如是菩薩，魔得其便。¹⁶⁵

（三）近惡知識（印順法師，《大智度論筆記》〔E022〕p.321）

復次，阿難！有菩薩遠離善知識、為惡知識所攝故，不聞深般若波羅蜜，不聞故不知、不見，不問：『云何應行般若波羅蜜？云何應修般若波羅蜜？』是菩薩，惡魔得其便。

（四）受行惡法（印順法師，《大智度論筆記》〔E022〕p.321）

復次，阿難！若菩薩遠離般若波羅蜜、受惡法，是菩薩為惡魔得其¹⁶⁶便。

¹⁵⁸（1）大正藏原作「狐疑」，今依《高麗藏》作「狐疑」（第14冊，1153a15）。

（2）狐疑：1.猜疑，懷疑。（《漢語大詞典》（五），p.35）

¹⁵⁹《大品經義疏》卷9：

「是菩薩習學般若，大千魔生疑」下第二，魔怖也。（已新續藏24，315a17-18）

¹⁶⁰愁毒：愁苦怨恨。（《漢語大詞典》（七），p.624）

¹⁶¹薩婆=菩波【石】。（大正25，603d，n.5）

¹⁶²亂念=念亂【石】。（大正25，603d，n.6）

¹⁶³《大品經義疏》卷9：

「白佛：魔為常燒亂」下第三，魔示留難，令行者識知也。（已新續藏24，315a18-19）

¹⁶⁴為魔所燒：心不信解，近惡知識，受行惡法，自傲凌他，共小鬥爭，向得忍者生惡心。（印順法師，《大智度論筆記》〔E022〕p.321）

¹⁶⁵《大般若波羅蜜多經》卷455〈61同學品〉：

復次，慶喜！若菩薩摩訶薩先世聞此甚深般若波羅蜜多，疑惑猶豫：「為有、為無？為實、不實？」是菩薩摩訶薩行深般若波羅蜜多時，為諸惡魔之所惱亂。若菩薩摩訶薩先世聞此甚深般若波羅蜜多，其心不生疑惑猶豫，信定實有，是菩薩摩訶薩行深般若波羅蜜多時，不為惡魔之所惱亂。（大正7，295b28-c5）

¹⁶⁶〔其〕—【宋】【元】【明】【宮】【石】。（大正25，603d，n.7）

魔作是念：『是（603b）輩當有伴黨，當滿我願。』
是菩薩自墮二地，亦使他人墮於二地。¹⁶⁷

（五）障人學般若

復次，阿難！若菩薩聞說深般若波羅蜜時，語他人言：『是般若波羅蜜甚深，我尚不能得其底，汝復用聞、用學是般若波羅蜜為？』
如是菩薩，魔得其便。

（六）自傲慢他

（印順法師，《大智度論筆記》〔E022〕p.321）

復次，阿難！若菩薩輕餘菩薩言：『我行般若波羅蜜，行遠離空；汝無是功德。』是時，惡魔大歡喜踊躍。

若有菩薩自恃¹⁶⁸名姓¹⁶⁹、多人知識故，輕餘行善菩薩，是人無實阿鞞跋致行、類、相貌功德；無是功德故，生諸煩惱；但著虛¹⁷⁰名故，輕賤餘人，言：『汝不在如¹⁷¹我所得法中。』¹⁷²

爾時，惡魔作是念：『今我境界宮殿不空，增益三惡道。』

惡魔助其威力，令餘人信受其語；信受其語故，受行其經，如說修學；如說修學時，增益諸結使。是諸人心顛倒故，身、口、意業所作皆受惡報；以是因緣，增益三惡道，魔之眷屬宮殿益多。

阿難！魔見是利故，大歡喜踊躍。

（七）與聲聞人共諍鬥

阿難！若行菩薩道者與求聲聞道家¹⁷³共諍鬥，魔作是念：『是遠離薩婆若。』

（八）與菩薩共諍鬥

阿難！若菩薩、菩薩共諍鬥，瞋恚罵詈¹⁷⁴；是時惡魔便大歡喜踊躍言：『兩離薩婆若遠。』¹⁷⁵

¹⁶⁷ 《大般若波羅蜜多經》卷 455〈61 同學品〉：

復次，慶喜！若菩薩摩訶薩遠離般若波羅蜜多，於真妙法毀訾誹謗，爾時，惡魔便作是念：「今此菩薩與我為伴，由彼毀謗真妙法故，便有無量住菩薩乘補特伽羅於真妙法亦生毀謗，由此因緣我願圓滿。」是菩薩乘補特伽羅，設勤精進修諸善法，而墮聲聞或獨覺地亦令他墮，是菩薩摩訶薩行深般若波羅蜜多時，為諸惡魔之所惱亂。（大正 7，295c27-296a5）

¹⁶⁸ 恃：1.依賴，憑藉。4.自負。（《漢語大詞典》（七），p.511）

¹⁶⁹ 姓=性【宋】。（大正 25，603d，n.8）

¹⁷⁰ 虛=空【石】。（大正 25，603d，n.9）

¹⁷¹ 在如=如在【宋】【元】【明】。（大正 25，603d，n.10）

¹⁷² 《大般若波羅蜜多經》卷 455〈61 同學品〉：

復次，慶喜！若菩薩摩訶薩自恃名姓眾所識知，輕蔑諸餘修善菩薩，常讚己德毀訾他過，實無不退轉菩薩摩訶薩諸行、狀、相而謂實有，起諸煩惱，自讚毀他，言：「汝等無菩薩名姓，唯我獨有菩薩名姓。」由增上慢輕蔑毀訾諸餘菩薩摩訶薩眾。（大正 7，296b27-c4）

¹⁷³ 家+（者）【宋】【元】【明】【宮】。（大正 25，603d，n.11）

¹⁷⁴ （1）詈（ㄉㄨˋ）：罵，責備。（《漢語大詞典》（十一），p.103）

（2）罵詈（ㄉㄨˋ）：罵，斥罵。多用作書面語。（《漢語大詞典》（十二），p.833）

¹⁷⁵ 《大般若波羅蜜多經》卷 455〈61 同學品〉：

復次，慶喜！若菩薩摩訶薩與求無上正等菩提忍辱柔和諸菩薩眾鬪諍誹謗，互相毀蔑。爾時，惡魔見此事已，便作是念：「此二菩薩俱遠所求一切智智，皆近地獄、傍生、餓鬼、阿素洛

(九) 向得記菩薩生惡心**1、正明罪過**

復次，阿難！若未受記菩薩向得記菩薩生惡心，諍鬪罵詈，隨起念多少劫¹⁷⁶，若干劫數¹⁷⁷，若不捨一切種智，然後乃補爾¹⁷⁸所¹⁷⁹劫大莊嚴。」¹⁸⁰

2、辨罪出不出**(1) 阿難問**

阿難白佛言：「世尊！是惡心乃經爾所¹⁸¹劫數¹⁸²，於其中間，寧得出¹⁸³除¹⁸⁴不？」¹⁸⁵

(2) 佛答**A、不得出罪者**

佛告阿難：「我雖說求菩薩道及聲聞人得出罪¹⁸⁶，阿難！若求菩薩道人共¹⁸⁷鬪諍¹⁸⁸、瞋恚、罵詈、懷恨、不悔、不捨者，我不說有出¹⁸⁹。」¹⁹⁰

等諸險惡趣。所以者何？鬪諍誹謗，互相毀蔑，非菩提道，但是地獄、傍生、餓鬼、阿素洛等險惡趣路。」是時，惡魔作此念已，歡喜踊躍，增其威勢，令二朋黨鬪諍不息，是菩薩摩訶薩行深般若波羅蜜多時，為諸惡魔之所惱亂。(大正 7, 296c29-297a9)

¹⁷⁶ 劫數=數劫【宋】【宮】，=起【石】。(大正 25, 603d, n.12)

¹⁷⁷ 《大智度論疏》卷 24：

「若干劫」已下，若人於上地菩薩生惡心者，隨若干念，一念則受一切^{*}生死之罪也。(已新續藏 46, 905c6-7)

※案：「一切」應作「一劫」。

¹⁷⁸ 爾：2.代詞。此，這個。(《漢語大詞典》(一)，p.574)

¹⁷⁹ 所：10.不定數詞，表示大概的數目。11.代詞。表示近指。相當於“此”。(《漢語大詞典》(七)，p.348)

¹⁸⁰ 《大般若波羅蜜多經》卷 455〈61 同學品〉：「復次，慶喜！若菩薩摩訶薩未得無上大菩提記，於得無上大菩提記諸菩薩摩訶薩起瞋忿心，鬪諍輕蔑、罵辱誹謗，是菩薩摩訶薩隨起爾許念不饒益心，還退爾許劫曾修勝行，經爾許時遠離善友，還受爾許生死繫縛。若不棄捨大菩提心，還爾許劫被戴甲冑，勤修勝行時無間斷，然後乃補所退功德。」(大正 7, 297a13-20)

¹⁸¹ 所+ (所)【石】。(大正 25, 603d, n.13)

¹⁸² 劫數=數劫【宋】【宮】。(大正 25, 603d, n.14)

¹⁸³ 出：19.清除。20.捨棄，除去。(《漢語大詞典》(二)，p.472)

¹⁸⁴ 除：5.清除，去除。12.免去，免除。(《漢語大詞典》(十一)，p.985)

¹⁸⁵ 《大般若波羅蜜多經》卷 455〈61 同學品〉：

爾時，慶喜白言：「世尊！是菩薩摩訶薩所起惡心生死罪苦，為要流轉經爾許時？為於中間亦得出離？是菩薩摩訶薩所退勝行，為要精勤經爾許劫然後乃補？為於中間有復本義？」(大正 7, 297a20-24)

¹⁸⁶ 出罪：免罪。(《漢語大詞典》(二)，p.499)

¹⁸⁷ 共=苦【宋】【宮】。(大正 25, 603d, n.15)

¹⁸⁸ 鬪諍=淨鬪【石】。(大正 25, 603d, n.16)

¹⁸⁹ 《大智度論疏》卷 24：

「我不說有出」者，只以長遠故爾說耳。當說。(已新續藏 46, 905c7-8)

¹⁹⁰ 《大般若波羅蜜多經》卷 455〈61 同學品〉：

佛告慶喜：「我為菩薩、獨覺、聲聞說有出罪還補善法。慶喜當知！若菩薩摩訶薩未得無上大菩提記，於得無上大菩提記諸菩薩摩訶薩起瞋忿心，鬪諍輕蔑、罵辱誹謗後無慚愧，懷惡不捨，不能如法發露悔過，我說彼類於其中間無有出罪還補善義，要爾許劫流轉生死，遠離善友、眾苦所縛。」(大正 7, 297a24-b1)

B、得出罪者

(A) 述懺罪之行

必當更爾所劫數，若不捨一切種智，然後乃大莊（603c）嚴。¹⁹¹

(B) 辨破瞋因緣

阿難！若是菩薩鬪諍、瞋恚、罵詈，便自改悔，作是念：『我為大失！我當為一切眾生下屈，今世、後世皆使和解；我當忍受一切眾生履¹⁹²踐¹⁹³如橋梁，如聾、如瘖，云何以惡語報人？我不應壞是甚深阿耨多羅三藐三菩提心；我得阿耨多羅三藐三菩提時，應當度是一切苦惱眾生，云何當起瞋恚？』¹⁹⁴

貳、明菩薩同學

(壹) 阿難問

阿難白佛言：「世尊！菩薩、菩薩共住云何¹⁹⁵？」

(貳) 佛答

一、相視如世尊

佛告阿難：「菩薩、菩薩共住，相視當如世尊。

何以故？是菩薩摩訶薩應作是念：『是我真伴，共乘一船，彼學我學，所謂檀波羅蜜乃至一切種智。

¹⁹¹ 《大般若波羅蜜多經》卷 455〈61 同學品〉：「若不棄捨大菩提心，要爾許劫被戴甲冑、勤修勝行，時無間斷，然後乃補所退功德。」（大正 7，297b1-3）

¹⁹² 履：3. 踩踏。4. 行走。（《漢語大詞典》（四），p.55）

¹⁹³ 踐：1. 踩，踩踏。2. 蹂躪，摧殘。（《漢語大詞典》（十），p.490）

¹⁹⁴ 《大般若波羅蜜多經》卷 455〈61 同學品〉：

若菩薩摩訶薩未得無上大菩提記，於得無上大菩提記諸菩薩摩訶薩起瞋忿心，鬪諍輕蔑、罵辱誹謗後生慚愧，心不繫惡，尋能如法發露悔過，作如是念：「我今已得難得人身，何容復起如是過惡失大善利？我應饒益一切有情，何容於中反作衰損？我應恭敬一切有情如僕事主，何容於中反生憍慢罵辱凌蔑？我應忍受一切有情捶打呵叱，何容於中反以暴惡身語加報？我應和解一切有情令相敬愛，何容復起勃惡語言與彼乖諍？我應堪忍一切有情長時履踐，猶如道路亦如橋梁，何容於彼反加凌辱？我求無上正等菩提，為拔有情生死大苦，令得究竟安樂涅槃，何容反欲加之以苦？我應從今盡未來際，如癡、如瘖、如聾、如盲，於諸有情無所分別，假使斬截頭、足、手、臂，挑眼、割耳、劓鼻、截舌，及餘一切身分肢體，於彼有情終不起惡。若我起惡，則便退壞所發無上正等覺心，障礙所求一切智智，不能利益安樂有情。」慶喜當知！是菩薩摩訶薩我說中間亦有出罪還補善義，非要經於爾許劫數流轉生死，惡魔於彼不能惱亂，疾證無上正等菩提。

復次，慶喜！住菩薩乘諸善男子、善女人等與求聲聞、獨覺乘者不應交涉；設與交涉，不應共住；設與共住，不應與彼論議決擇。所以者何？若與彼類論議決擇，或當發動忿恚等心，或復起於麤惡言說。然諸菩薩於有情類，不應發起忿恚等心，亦不應生麤惡言說；設被斬截首足身分，亦不應起忿恚麤言。所以者何？諸菩薩摩訶薩應作是念：「我求無上正等菩提，為拔有情生死眾苦，令得究竟利益安樂，何容於彼翻為惡事？」慶喜當知！若菩薩摩訶薩於有情類起忿恚心，發麤惡語，便礙無上正等菩提，亦壞無邊菩薩行法。是故菩薩摩訶薩眾欲得無上正等菩提，於諸有情不應忿恚，亦不應起麤惡言說。（大正 7，297b3-c9）

¹⁹⁵ 《大智度論疏》卷 24：

「共住云何」已下，品之第二，明脩和敬，具足生忍；不行雜學，脩一大乘，明同學之義也。當說。（已新續藏 46，905c9-10）

二、知捨惡習善

若是菩薩雜行、離薩婆若心，我不應如是學；若是菩薩不雜行、不離薩婆若心，我亦應如是學。」

三、結成

菩薩摩訶薩如是學者，是為同學。」

【論】釋曰：

壹、明行般若得無量功德**(壹) 不雜餘心心數法，如說行般若得大功德****一、天主歎不雜餘心心數法修般若得大功德，佛述成****(一) 天主歎**

釋提桓因上說「善男子書、受持般若¹⁹⁶乃至正憶念，得無量功德」，¹⁹⁷今說其義——是人讀誦般若，乃至阿耨多羅三藐三菩提，不令餘心、心數雜者，得如上所說功德。但從聞說而不能行¹⁹⁸餘心不入者，雖得功德，不名為無上。

「餘心、心數法雜」者，

有人言：慳貪等及破六波羅蜜惡心是。

有人言：但不令惡心增長、成其勢力，來則滅除。

有人言：不令聲聞、辟支佛心得入。

有人言：無記、散亂心雖非惡，以遮善道故，亦不令得入。

是故「是人小不從小功德來」。

(二) 佛述成，校德顯勝**1、佛述成**

佛可其言：「如是！」

2、校德顯勝

欲分別清淨行勢力故，反問憍尸迦「若閻浮提人一切成就十善道」等，如《經》說。是福德雖多，離諸法實相故，虛妄、不¹⁹⁹牢固、無常、盡、滅，不足為多；如草芥雖多，不如一小金（604a）剛。

二、如說行般若者功德勝餘無方便者**(一) 比丘歎**

問曰：是比丘何以語帝釋「善男子福德勝仁者」？

答曰：帝釋已作²⁰⁰福德果報中，人天之主，威德尊重。是比丘重是善法，欲顯此功德，故言「勝於仁者」。

¹⁹⁶ 若+（波羅蜜）【石】。（大正 25，603d，n.17）

¹⁹⁷ 《正觀》（6），p.191：參見《摩訶般若波羅蜜經》卷 8〈31 滅淨品〉（大正 8，280c17-281a4）、卷 9〈34 遣異品〉（大正 8，287c25-288a7）、卷 9〈36 尊導品〉（大正 8，288b20-c4）；《放光般若經》卷 6〈32 降眾生品〉（大正 8，44c12-29）、卷 7〈36 遣異道士品〉（大正 8，49b24-c3）、卷 7〈37 無二品〉（大正 8，50a2-11）。

¹⁹⁸ 〔行〕—【宮】【石】。（大正 25，603d，n.18）

¹⁹⁹ 不=無【石】。（大正 25，603d，n.19）

²⁰⁰ 作=住【宋】【元】【明】【宮】【石】。（大正 25，604d，n.1）

復次，是比丘聞帝釋得聲聞道²⁰¹，是故言：「汝雖有福德，是菩薩勝汝。」

（二）天主歎

1、歎菩薩一發心便勝帝釋

帝釋得道，深念佛法故，不生高心，受其語言：「菩薩為阿耨多羅三藐三菩提，但發心便勝我，何況如所說行！」

何以故？帝釋福報微薄，是菩薩功德淳²⁰²厚。

又以帝釋福德著天樂，自為其身；菩薩功德，為一切眾生迴向佛道²⁰³樂故。

2、如說行般若之菩薩，超勝凡夫、二乘，乃至行般若無方便力者

時會聽者聞比丘說「勝於仁者」，帝釋受其語，咸²⁰⁴生輕帝釋心。

是故帝釋言：「不但勝我，乃至勝菩薩行般若無方便力者，如所說行般若波羅蜜時不雜²⁰⁵餘心心數法故。」

3、菩薩如說行般若故，不斷佛種，得現世功德

是中帝釋自說勝因緣，所謂「是菩薩如說行般若，不斷佛種」，乃至「以行般若波羅蜜故，得是現世功德」。

三、明「帝釋依佛力說」

（一）阿難疑

問曰：阿難何以作是念言：「帝釋自以力說？用佛力說？」

答曰：阿難知帝釋是聲聞，而所說甚深，過聲聞、辟支佛智，是故生疑而問。

（二）天主釋

問曰：帝釋自有智，能問能答，何以言「佛力」？

答曰：般若甚深甚難、無量無邊，若在異處說尚難，何況於佛前大眾中說！是故言「佛力」。如《持心經》說：「佛²⁰⁶以光明威神入其身故，能於佛前難問有所說。」²⁰⁷

（三）佛述成

佛告阿難²⁰⁸，可帝釋所語；

²⁰¹ 《大智度論疏》卷 24：

「聞帝釋得聲聞道」已下，上論乃云是大菩薩，而《阿含經》亦言是須陀洹等者，並是談其迹也。當說。（卍新續藏 46，905c16-17）

²⁰² 淳：1.深厚，濃厚。（《漢語大詞典》（五），p.1407）

²⁰³ 〔道〕—【宋】【宮】。（大正 25，604d，n.2）

²⁰⁴ 咸（ㄊ一ㄣˇ）：1.皆，都。（《漢語大詞典》（五），p.216）

²⁰⁵ 雜=離【宋】【元】【明】【宮】。（大正 25，604d，n.3）

²⁰⁶ 〔佛〕—【宋】【元】【明】【宮】。（大正 25，604d，n.4）

²⁰⁷ （1）參見《持心梵天所問經》卷 1（大正 15，1b7-20）；《思益梵天所問經》卷 1（大正 15，33c1-14）。

（2）持心經：佛威力入身，能於佛前難說。（印順法師，《大智度論筆記》〔H017〕p.408）

²⁰⁸ 〔告阿難〕—【石】。（大正 25，604d，n.5）

〔貳〕巧學般若令魔驚怖

更歎²⁰⁹行深般若菩薩有大²¹⁰威德，所謂：「阿難！是菩薩習學深般若時，惡魔生疑。」惡魔是菩薩怨賊，常求菩薩便，如〈魔品〉中說。²¹¹

以菩薩深行般若波羅蜜故，魔大作方便，壞菩薩心。若(604b)菩薩懈怠者，魔大歡喜：「是人自當墮落！」

〔參〕廣明留難，令行者識知**一、阿難問**

有人言：「一切菩薩應有魔怨。」是故阿難問：「為盡有魔？亦有無者？」

二、佛分別答**〔一〕略明**

佛分別答，所謂深清淨心，行菩薩道，則無魔擾；不清淨，為魔所壞者²¹²，如《經》廣說。²¹³

〔二〕別釋「向得記菩薩生惡心是否能出罪」**1、明阿難問意**

問曰：如佛所說「一切有為法皆可轉可捨」，阿難何以疑而問佛：「是罪可悔不？」答曰：阿難知般若波羅蜜是無盡因緣——若供養，福無邊，乃至得佛，福猶不盡；若訶瞋，罪亦如是無邊。是故問佛。

2、佛答**〔1〕不得出罪者——瞋慢不息故**

佛答：「我法雖有出罪，若菩薩共鬪結恨，不即捨，則不可出。」何以故？是菩薩深心輕慢、瞋餘菩薩故。以瞋、憍慢²¹⁴故，不能下意²¹⁵共悔²¹⁶，欲更行餘功德求滅此罪。

佛言：「此罪不可²¹⁷出，以懷恨故，雖作餘福德，皆不清淨；不清淨故無力；無力故不能滅罪。」

〔2〕得出罪者**A、述懺罪之行**

²⁰⁹ 歎=難【宋】【元】【明】【宮】。(大正 25, 604d, n.6)

²¹⁰ 有大=大有【石】。(大正 25, 604d, n.7)

²¹¹ 《正觀》(6), p.192: 參見《摩訶般若波羅蜜經》卷 13~卷 14〈46 魔事品〉~〈47 兩不合法品〉(大正 8, 318b-323a);《放光般若經》卷 10~卷 11〈47 覺魔品〉~〈48 不和合法品〉(大正 8, 72c-76c)。

²¹² 〔者〕—【宋】【元】【明】【宮】。(大正 25, 604d, n.8)

²¹³ 參見《大智度論》卷 77〈62 同學品〉(大正 25, 603a19-c14)。

²¹⁴ 憍慢=慢憍【宋】【元】【明】。(大正 25, 604d, n.9)

²¹⁵ 下意：1.調屈意，虛心和順。(《漢語大詞典》(一), p.327)

²¹⁶ 《大智度論疏》卷 24:

「不能下意共悔」已下，以此義故說不出，非是永不可出也。當說。(卍新續藏 46, 905c18-19)

²¹⁷ 〔可〕—【宋】【元】【明】【宮】。(大正 25, 604d, n.10)

此人若欲作佛，不捨一切智，下意懺悔者，補爾所劫乃得發大莊嚴。²¹⁸

B、辨破瞋因緣

問曰：心中懷恨，云何可滅？

答曰：破瞋因緣，如《經》說。²¹⁹

貳、明菩薩同學

(壹) 阿難問

阿難知一切眾生屬業因緣，不得自在，無能救者，心懷怖畏，問佛：「菩薩共住云何？云何用心恭敬？」

(貳) 佛答

一、相視如世尊

(一) 正說

佛答：「供養恭敬，當如視佛。」

(二) 釋因由

是未來佛故。

此中佛自說因緣：「菩薩共住，應作是念：『是我真伴，俱到佛道，共乘一船。』」

「船」者，六波羅蜜；三界、三漏²²⁰為「水」；「彼岸」是佛道。

「彼所學者，我亦應學」——「學」者²²¹，所謂六波羅蜜等，同戒、同見、同道。如白衣兄弟，不應共鬪；我是同法兄弟，亦不應共諍。

二、知捨惡習善

若是菩薩雜行、離薩婆若心²²²，我不應如是學。

何以故？勝事應從他學，惡事應捨。

三、結成

菩薩若作是學，輕慢、瞋恨事皆滅，是則（604c）名「菩薩同學」²²³。

²¹⁸ 「不悔——受罪畢，墮小

輕餘菩薩——即世悔——受罪畢，還依大出（印順法師，《大智度論筆記》〔B029〕p.169）

²¹⁹ 《摩訶般若波羅蜜經》卷 19〈62 魔愁品〉：

阿難！若是菩薩鬪諍、瞋恚、罵詈，便自改悔，作是念：「我為大失！我當為一切眾生下屈，今世、後世皆使和解；我當忍受一切眾生履踐如橋梁，如聾、如瘖，云何以惡語報人？我不應壞是甚深阿耨多羅三藐三菩提心；我得阿耨多羅三藐三菩提時，應當度是一切苦惱眾生，云何當起瞋恚？」（大正 8，356c22-29）

²²⁰ (1) 《阿毘達磨集異門足論》卷 4〈4 三法品〉：「三漏者：一、欲漏，二、有漏，三、無明漏。欲漏云何？答：除欲界繫無明，諸餘欲界繫結、縛、隨眠、隨煩惱、纏，是謂欲漏。

有漏云何？答：除色無色界繫無明，諸餘色無色界繫結、縛、隨眠、隨煩惱、纏，是謂有漏。

無明漏云何？答：三界無智，是謂無明漏。」（大正 26，383a4-9）

(2) 《大般涅槃經》卷 22〈10 光明遍照高貴德王菩薩品〉：「三漏者，欲界一切煩惱除無明是名欲漏，色無色界一切煩惱除無明是名有漏，三界無明名無明漏。」（大正 12，495b27-29）

²²¹ 〔學者〕—【石】，〔學〕—【宮】。（大正 25，604d，n.11）

²²² 心+（雖行薩婆若）【石】。（大正 25，604d，n.12）

〈釋等學品²²⁴第六十三〉²²⁵
 (大正 25, 604c2-607c17)

【經】

壹、示平等體²²⁶

(壹) 須菩提問

須菩提白佛言²²⁷：「世尊！何等是²²⁸菩薩摩訶薩等法，菩薩所應學？」²²⁹

(貳) 佛答

一、總明所學平等法——內空乃至自相空

「須菩提！內空是菩薩等法，外空乃至自相空是菩薩等法。」²³⁰

二、別舉自相空釋平等法

須菩提！色、色相空，受、想、行，識、識相空，乃至阿耨多羅三藐三菩提、阿耨多羅三藐三菩提相空。須菩提！是名菩薩摩訶薩等法。

三、顯所得益

住是等法，得阿耨多羅三藐三菩提。」²³¹

貳、教平等學

(壹) 除顛倒行

須菩提白佛言²³²：「世尊！若菩薩摩訶薩為色盡故學²³³，為學薩婆若？為色離故學、為

²²³ 學+ (釋六十一品竟)【石】。(大正 25, 604d, n.13)

²²⁴ 《大智度論疏》卷 24：「第六十二品^{*}者，名為〈等學品〉。何故次〈同學品〉後明於此品？上品明因六和敬等事得於生忍；今明因行平等得於法忍成等學義，故次此品後明於此品。論次釋故，舉之云第六十二品釋論也。」(卍新續藏 46, 905c20-23)

※第六十二品=釋等學品第六十三。(卍新續藏 46, 905d, n.3)

²²⁵ (大智……三)十二字=(釋等學品第六十三)八字【明】，(大智論釋第六十三品等學品)十二字【宮】，(摩訶般若波羅蜜品第六十二等學)十四字【石】。(大正 25, 604d, n.14)

²²⁶ 《大品經義疏》卷 9：「品為五：第一、示平等體，二、教平等學，三、明等學利，四、秤歎等學，五、明等學得失。」(卍新續藏 24, 315b20-21)

²²⁷ 《大智度論疏》卷 24：

「須菩提白佛言」已下，就此品中亦大有二分：第一、明就十八空明法等義，第二、廣明波若之行及校量等義，亦明生等。此品所以前明法等、後明生等者，將是為欲次第接連前品之意，所以如此。此初即是第一也。當說。(卍新續藏 46, 905c24-906a4)

²²⁸ [是]—【宋】【宮】。(大正 25, 604d, n.15)

²²⁹ 《大般若波羅蜜多經》卷 455〈62 同性品〉：

爾時，具壽善現白佛言：「世尊！云何菩薩摩訶薩同性，由諸菩薩摩訶薩住此中學名為同學？」(大正 7, 298a10-12)

²³⁰ 《大般若波羅蜜多經》卷 455〈62 同性品〉：

佛告善現：「內空是菩薩摩訶薩同性，外空乃至無性自性空是菩薩摩訶薩同性，諸菩薩摩訶薩住中學故，名為同學，由此同學速證無上正等菩提。」(大正 7, 298a12-15)

²³¹ 《大般若波羅蜜多經》卷 455〈62 同性品〉：「復次，善現！色色性空，受、想、行、識受、想、行、識性空，是菩薩摩訶薩同性。……佛無上正等菩提佛無上正等菩提性空，是菩薩摩訶薩同性。諸菩薩摩訶薩住中學故，名為同學，由此同學速證無上正等菩提。」(大正 7, 298a15-c4)

色滅故學，為學薩婆若？為色不生故²³⁴學，為學薩婆若？受、想、行、識，亦如是。修行四念處乃至十八不共法盡、離、滅、不生故學²³⁵，為學薩婆若？」

佛告須菩提：「如須菩提所說，為色盡、離、滅、不生故學，為學薩婆若；受、想、行、識乃至十八不共法盡、離、滅、不生故學，為學薩婆若。」

（貳）明究竟行

一、佛反問

佛告須菩提：「於汝意云何？色如，受、想、行、識如，乃至阿耨多羅三藐三菩提如、佛如——是諸如盡、滅、斷不？」²³⁶

二、須菩提答

須菩提言：「不也！世尊！」

三、佛結成

佛告須菩提：「菩薩摩訶薩如是學『如』，為學薩婆若。是『如』，不作證、不滅、不斷。須菩提！菩薩摩訶薩如是學如，為學薩婆若。²³⁷

參、明等學之利益²³⁸

（壹）略說學六度等為學薩婆若

須菩提！菩薩摩訶薩如是學，為學六波羅蜜，為學四念處乃至十八不共法。若學六波羅蜜乃至十八不共法，為學薩婆若。須菩提！如是學，為盡諸學邊。

（貳）廣明等學之利益

一、正明等學之益

如是學，魔、若魔天所不能壞；如是學，直到阿鞞跋致地；如是學，為學佛所行道；如是學，為得擁護，為學大慈大悲，為學淨佛世界²³⁹、成就眾生。²⁴⁰

²³² 《大智度論疏》卷 24：

「須菩提白言」已下第二，廣明波若之行及校量等義。並一一當說。（卍新續藏 46，906a5-6）

²³³ 《大品經義疏》卷 9：

「白佛：為色盡學」下第二，示等學方。（卍新續藏 24，315c1）

²³⁴ 〔故〕—【宋】【宮】。（大正 25，604d，n.16）

²³⁵ 故學=學故【宋】【宮】。（大正 25，604d，n.17）

²³⁶ 《大般若波羅蜜多經》卷 455〈62 同性品〉：「善現！於意云何？色真如盡、離、滅、斷不？受、想、行、識真如盡、離、滅、斷不？如是乃至菩薩摩訶薩行真如盡、離、滅、斷不？佛無上正等菩提真如盡、離、滅、斷不？」（大正 7，298c24-27）

²³⁷ 《大般若波羅蜜多經》卷 455〈62 同性品〉：

佛告善現：「若菩薩摩訶薩於真如如是學，是學一切智智。善現當知！真如無盡、無離、無滅、無斷，不可作證。若菩薩摩訶薩於真如如是學，是學一切智智。」（大正 7，298c28-299a3）

²³⁸ 《大品經義疏》卷 9：

「復次，須菩提！如是學如」下第三，明得學利。（卍新續藏 24，315c7）

²³⁹ 世界=國土【石】。（大正 25，604d，n.18）

²⁴⁰ 《大般若波羅蜜多經》卷 455〈62 同性品〉：「復次，善現！若菩薩摩訶薩如是學時，至一切學究竟彼岸，一切天魔及諸外道所不能伏，疾至菩薩不退轉地，行自祖父一切如來、應、正等覺所應行處，於能護法無倒隨轉，能作離暗所應作法，善能成熟一切有情，巧能嚴淨自佛國土，名為善學大慈、大悲、大喜、大捨及餘無量無邊佛法。」（大正 7，299a16-22）

須菩提！如是學，為學三（605a）轉十二行法輪轉²⁴¹故；如是學，為學度眾生；如是學，為學不斷佛種；如是學，為學開甘露門；如是學，為學欲示無為性。

二、舉劣說勝

須菩提！下劣之人²⁴²不能作是學；如是學者，為欲拔出²⁴³沈沒生死眾生。²⁴⁴

菩薩摩訶薩如是學，終不墮地獄、餓鬼、畜生中，終不生邊地，終不生旃陀羅家；終不聾盲、瘖²⁴⁵瘖²⁴⁶、拘瘖²⁴⁷，諸根不缺；眷屬成就，終不孤窮²⁴⁸。菩薩如是學，終不殺生乃至終不邪見；如是學，不作邪命活，不攝惡人及破戒者。²⁴⁹

如是學，以方便力故，不生長壽夭。何等是方便力？如〈般若波羅蜜品〉中所說。菩薩摩訶薩以方便力故，入四禪、四無量心、四無色定，不隨禪、無量、無色定生。

三、得化他利益

須菩提！菩薩如是學，一切法中得清淨²⁵⁰，所謂淨聲聞、辟支佛心。」²⁵¹

²⁴¹ 輪轉＝轉輪【宋】【宮】。（大正 25，605d，n.1）

²⁴² 《大品經義疏》卷 9：

「小劣之人」第二，舉劣說勝。（卍新續藏 24，315c9-10）

²⁴³ 〔出〕－【宋】【元】【明】【宮】。（大正 25，605d，n.2）

²⁴⁴ 《大般若波羅蜜多經》卷 455〈62 同性品〉：「善現！若菩薩摩訶薩如是學時，是學三轉十二行相無上法輪，是學安處百千俱胝那度多眾於無餘依般涅槃界令般涅槃，是學不斷佛種妙行，是學諸佛開甘露門，是學安立無量無數無邊有情住三乘法，是學示現一切有情究竟寂滅真無為界，是為修學一切智智，如是學者下劣有情所不能學。善現！若菩薩摩訶薩欲善拔濟一切有情生死大苦，應如是學。」（大正 7，299a22-b1）

²⁴⁵ 瘖（ㄊㄨㄣˋ）：1.同“啞”。嗓子啞，不能出聲；失音。2.啞巴，啞子。（《漢語大詞典》（八），p.343）

²⁴⁶ （1）瘖：同「啞」。不能說話或聲音不響亮。（《漢語大字典》（四），p.2678）

（2）瘖瘖：同「瘖啞」。

（3）瘖啞：亦作“瘖瘖”。1.不能言。2.沙啞，聲音低沉乾澀。（《漢語大詞典》（八），p.343）

²⁴⁷ （1）瘖＝蹙【宋】【元】【明】【宮】。（大正 25，605d，n.3）

（2）蹙（ㄅㄨˋ）：足不能行。《素問·痿論》：“故肺熱葉焦，則皮毛虛弱急薄著，則生痿蹙也。”王冰注：“蹙，調攣蹙，足不得伸以行也。”（《漢語大詞典》（十），p.563）

（3）瘖（ㄅㄨˋ）：1.中醫指兩脅間的積塊。（《漢語大詞典》（八），p.360）

²⁴⁸ 孤窮：2.孤苦失意，孤獨窮困。（《漢語大詞典》（四），p.228）

²⁴⁹ 《大般若波羅蜜多經》卷 455〈62 同性品〉：「復次，善現！若菩薩摩訶薩如是學時，決定不墮地獄、傍生、剎魔鬼界，決定不生邊地、達絮、蔑隸車中，決定不生旃茶羅家、補羯娑家，及餘種種貧窮、下賤、不律儀家，終不盲聾、瘖瘖、**攣蹙***、根支殘缺、背偻、癩癩、癩疽、疥癩、痔瘻、惡瘡，不長不短，亦不黧黑，及無種種穢惡瘡病。

復次，善現！若菩薩摩訶薩如是學時，生生常得眷屬圓滿，形貌端嚴，言詞威肅，眾人愛敬，所生之處離害生命乃至邪見，終不攝受虛妄邪法，不以邪法而自活命，亦不攝受破戒、惡見、謗法有情以為親友。」（大正 7，299b1-12）

※攣蹙（ㄅㄨˋㄨㄢˋ）：手腳屈曲不能行動。（《漢語大詞典》（六），p.980）

²⁵⁰ 《大品經義疏》卷 9：

「一切法得清淨，何以故」下第四*，學平等得化他益也。（卍新續藏 24，315c23-24）

※案：「第四」或作「第三」。

²⁵¹ 《大般若波羅蜜多經》卷 455〈62 同性品〉：「復次，善現！若菩薩摩訶薩如是學時，於佛十力、四無所畏、四無礙解、大慈、大悲、大喜、大捨及十八佛不共法等無量無邊諸佛妙法，皆得清淨。由清淨故，不墮聲聞、獨覺等地。」（大正 7，299b19-23）

須菩提白佛言：「世尊！一切法本性清淨，云何言菩薩一切法中得清淨？」²⁵²

佛告須菩提：「如是！如是！一切諸法本性清淨，若菩薩摩訶薩於是法中心通達、不沒²⁵³，即是般若波羅蜜。如是諸法，一切凡夫²⁵⁴不知不見。菩薩摩訶薩為是眾生故，行檀波羅蜜乃至般若波羅蜜，行四念處乃至一切種智。須菩提！菩薩如是學，於一切法中得智、力、無所畏；如是學，為了知一切眾生心所趣向。²⁵⁵

肆、歎法勤修

（壹）舉喻顯能如說行般若者稀有

譬如大地²⁵⁶，少所處出金銀珍寶；須菩提！眾生亦如是，少所人²⁵⁷能學般若波羅蜜，多墮聲聞、辟支佛地。

須菩提！譬如少所人受行轉輪聖王業，多受行小王業；如是，須菩提！少所眾生行般若波羅蜜、求一切智，多行聲聞、辟支佛道。

須菩提！諸菩薩摩訶薩發心求阿耨多羅三藐(605b)三菩提中，少有如說行，多住聲聞、辟支佛地；多有菩薩摩訶薩行般若波羅蜜無方便力故，少所人住阿鞞跋致地。須菩提！以是故，菩薩摩訶薩欲住²⁵⁸阿鞞跋致地、欲在阿鞞跋致數中，應當學是深般若波羅蜜。

（貳）學般若功德勝，勤修學

一、不生煩惱心

復次，須菩提！菩薩摩訶薩學是般若波羅蜜時，不生慳貪心，不生破戒、瞋恚、懈怠、散亂、愚癡心，不生諸餘過失心。²⁵⁹

二、無取相著心

不生取色相、取受想行識相心，²⁶⁰不生取四念處相心，乃至不生取阿耨多羅三藐三菩

²⁵² 《大般若波羅蜜多經》卷 455〈62 同性品〉：

爾時，具壽善現白佛言：「世尊！若一切法本性清淨，諸菩薩摩訶薩云何復於諸佛妙法而得清淨？」（大正 7，299b24-26）

²⁵³ 沒：11.沈迷。13.貪。（《漢語大詞典》（五），p.992）

²⁵⁴ 夫+（人）【元】【明】。（大正 25，605d，n.4）

²⁵⁵ 《大般若波羅蜜多經》卷 455〈62 同性品〉：

佛告善現：「如是！如是！如汝所說。諸法本來自性清淨。是菩薩摩訶薩於一切法本性淨中，精勤修學甚深般若波羅蜜多，如實通達，無沒無滯，遠離一切煩惱染著，故說菩薩復得清淨。復次，善現！雖一切法本性清淨，愚夫異生不知、見、覺，是菩薩摩訶薩為欲令彼知、見、覺故，修行布施波羅蜜多乃至般若波羅蜜多，……修行四念住乃至八聖道支，……修行一切智、道相智、一切相智。是菩薩摩訶薩於一切法本性清淨如是學時，於佛十力乃至十八佛不共法，及餘無量無邊佛法，皆得清淨，不墮聲聞、獨覺等地。於諸有情心行差別，皆能通達至極彼岸，善巧方便令諸有情證一切法本性清淨，證得究竟安樂涅槃。」（大正 7，299b26-c17）

²⁵⁶ 《大品經義疏》卷 9：

「譬如大地」下第四，明結歎勤修。（卍新續藏 24，316a1）

²⁵⁷ 〔人〕—【宋】【宮】。（大正 25，605d，n.5）

²⁵⁸ 住=在【宋】【宮】。（大正 25，605d，n.6）

²⁵⁹ 《大般若波羅蜜多經》卷 455〈62 同性品〉：「復次，善現！若菩薩摩訶薩如是修學甚深般若波羅蜜多方便善巧，終不發起慳貪、破戒、忿恚、懈怠、散動、惡慧俱行之心，亦不發起貪欲、瞋恚、愚癡、憍慢俱行之心，亦不發起放逸、謬誤及餘過失俱行之心。」（大正 7，300a4-8）

²⁶⁰ 《大般若波羅蜜多經》卷 455〈62 同性品〉：「亦不發起執著色、受、想、行、識俱行之心。」（大正 7，300a8-9）

提相心。何以故？是菩薩摩訶薩行是深般若波羅蜜，無有法可得；以不可得故，於諸法不生心取相。

三、總攝諸波羅蜜²⁶¹

(一) 法說

須菩提！菩薩摩訶薩如是學深般若波羅蜜，總攝諸波羅蜜，令諸波羅蜜增長，諸波羅蜜悉隨從。何以故？須菩提！是深般若波羅蜜，諸波羅蜜悉入中。²⁶²

(二) 舉喻明理

須菩提！譬如我見中悉攝六十二見；如是，須菩提！是深般若波羅蜜悉攝諸波羅蜜。須菩提！譬如人死，命根滅故，餘根悉隨滅；如是，須菩提！菩薩摩訶薩行深般若波羅蜜時，諸波羅蜜悉隨從。

(三) 結成

須菩提！菩薩摩訶薩欲令諸波羅蜜度彼岸，應學深般若波羅蜜。

四、超勝一切眾生

(一) 法說

須菩提！菩薩摩訶薩學是深般若波羅蜜者，出一切眾生之上。

(二) 舉喻明理

須菩提！於汝意云何？三千大千世界中眾生多不？」

須菩提言：「一閻浮提中眾生尚多，何況三千大千世界！」

佛告須菩提：「若三千大千世界中眾生一時皆得人身，悉得阿耨多羅三藐三菩提；若有菩薩盡形壽供養爾所佛衣服、飲食、臥具、湯藥、資生所須。須菩提！於汝意云何？是人以是因緣故，(605c) 得福德多不？」

須菩提言：「甚多！甚多！」

佛言：「不如是善男子、善女人學般若波羅蜜如說²⁶³行、正憶念，得福多。何以故？般若波羅蜜有勢力，能令菩薩摩訶薩得阿耨多羅三藐三菩提。

(三) 結成

須菩提！以是故，菩薩摩訶薩欲出一切眾生之上，當學般若波羅蜜。

五、得諸善功德

欲為無救護眾生作救護，欲與無歸依眾生作歸依，欲與無究竟道眾生作究竟道，欲為盲者作目，欲得佛功德，欲作²⁶⁴諸佛自在遊戲，欲作佛師子吼，欲²⁶⁵撞擊佛鍾²⁶⁶鼓，

²⁶¹ 主歸般若行：諸波羅蜜攝入般若。(印順法師，《大智度論筆記》〔E003〕p.291)

²⁶² 《大般若波羅蜜多經》卷 456〈62 同性品〉：「復次，善現！若菩薩摩訶薩如是修學甚深般若波羅蜜多方便善巧威德力故，攝持一切波羅蜜多，增長一切波羅蜜多，導引一切波羅蜜多。何以故？善現！甚深般若波羅蜜多中含藏一切波羅蜜多故。」(大正 7，300b22-26)

²⁶³ 說+ (修)【石】。(大正 25，605d，n.7)

²⁶⁴ 作=得【石】。(大正 25，605d，n.8)

²⁶⁵ 欲+ (得)【石】。(大正 25，605d，n.9)

欲吹佛唄²⁶⁷，欲昇佛高座說法，欲斷一切眾生疑，當學深般若波羅蜜。
須菩提！菩薩摩訶薩若學深般若波羅蜜，諸善功德無事不得。²⁶⁸」

六、雖得二乘功德但直入菩薩位

須菩提白佛言：「世尊！寧²⁶⁹復得聲聞、辟支佛功德不²⁷⁰？」

佛言：「聲聞、辟支佛功德皆能得，但不於中住；以智觀已，直過，入菩薩位中。²⁷¹」

七、疾得無上菩提

須菩提！菩薩摩訶薩如是學，近薩婆若，疾得阿耨多羅三藐三菩提。

八、堪作世間福田

須菩提！菩薩摩訶薩如是學，為一切世間天、²⁷²人、阿修羅作福田。

須菩提！菩薩摩訶薩如是學，過諸聲聞、辟支佛福田之上，疾近薩婆若。

九、遠離二乘，疾近佛乘

須菩提！菩薩摩訶薩如是學，是名不捨不離般若波羅蜜，常行般若波羅蜜。

須菩提！菩薩摩訶薩如是學深²⁷³般若波羅蜜，當知是不退轉菩薩，疾近薩婆若，遠離聲聞、辟支佛，近阿耨多羅三藐三菩提。

伍、明「行法得失」

（壹）邪行相——著心取相（印順法師，《大智度論筆記》〔B029〕p.171）

須菩提！菩²⁷⁴薩摩訶薩行般若波羅蜜時，若作是念²⁷⁵：『是般若波羅蜜，我以是般若波羅蜜得一切種智。』若如是念，不名行般若波羅蜜。²⁷⁶

²⁶⁶ 鍾=鐘【明】。（大正 25，605d，n.10）

²⁶⁷ 唄=貝【元】【明】【宮】。（大正 25，605d，n.11）

²⁶⁸ 《大般若波羅蜜多經》卷 456〈62 同性品〉：「善現！若菩薩摩訶薩能學如是甚深般若波羅蜜多，無有一切功德善根而不能攝，無有一切功德善根而不能得。所以者何？甚深般若波羅蜜多是一切種功德善根所依處故。」（大正 7，301a10-14）

²⁶⁹ 寧（ㄋㄩㄥˋ）：3.豈，難道。（《漢語大詞典》（三），p.1599）

²⁷⁰ 〔不〕—【宋】【元】【明】【宮】。（大正 25，605d，n.12）

²⁷¹ （1）《大般若波羅蜜多經》卷 456〈62 同性品〉：

具壽善現白言：「世尊！諸菩薩摩訶薩能學如是甚深般若波羅蜜多，豈於一切聲聞、獨覺功德善根能攝、能得？」

佛告善現：「是菩薩摩訶薩亦於一切聲聞、獨覺功德善根能攝、能得，然於其中無住無著。以勝智見正觀察已，超過聲聞及獨覺地，趣入菩薩正性離生故，此菩薩摩訶薩眾無有一切功德善根而不攝得。」（大正 7，301a14-21）

（2）菩薩能得小德，但不中住。（印順法師，《大智度論筆記》〔E003〕p.290）

²⁷² 天+（及）【宋】【元】【明】【宮】【石】。（大正 25，605d，n.13）

²⁷³ 深=行【宋】【元】【明】。（大正 25，605d，n.14）

²⁷⁴ （是）+菩【元】【明】【石】。（大正 25，605d，n.15）

²⁷⁵ 《大品經義疏》卷 9：

「須菩提！行般若作是念」下第五，明得失。（卍新續藏 24，316a3）

²⁷⁶ 《大般若波羅蜜多經》卷 456〈62 同性品〉：

善現！若菩薩摩訶薩作如是念：「此是般若波羅蜜多，此是修時，此是修處，我能修此甚深般若波羅蜜多，我由如是甚深般若波羅蜜多棄捨如是所應捨法，定當證得一切智智！」是菩薩摩訶薩非行般若波羅蜜多，亦於般若波羅蜜多不能解了。（大正 7，301b3-8）

〔貳〕遮邪行相——破是著相（印順法師，《大智度論筆記》〔B029〕p.171）

須菩提！若不作是念：『是般若波羅蜜，是人有²⁷⁷般若波羅（606a）蜜；是般若波羅蜜法，是人行²⁷⁸般若波羅蜜得阿耨多羅三藐三菩提。』是名行般若波羅蜜。

〔參〕示正行相——破邪著，亦說實相（印順法師，《大智度論筆記》〔B029〕p.171）

須菩提！若菩薩作是念：『無是般若波羅蜜，無²⁷⁹人有是般若波羅蜜；無有行是般若波羅蜜得阿耨多羅三藐三菩提。』何以故？一切法如、法性、實際常住故。如是行，是為菩薩摩訶薩行般若波羅蜜。』²⁸⁰

【論】釋曰：

壹、示平等體

〔壹〕須菩提問

上阿難問「鬪諍」，佛答「同學清淨」。今須菩提問佛：「甚深同心等法，是菩薩所學處？」

〔貳〕佛答

一、總明所學平等法——內空乃至自相空

佛答：「內空乃至自相空，是名等法。」

二、上〈同學品〉說眾生等忍，今〈等學品〉說法等忍，通達空，心則平等

有二種等忍²⁸¹——上品末說眾生等忍，²⁸²此品說法等忍。

如稱兩頭²⁸³停²⁸⁴等，如是內空等諸空於諸法中平等。

如內法有種種差別，得內空，則皆平等無法²⁸⁵；乃至自相空——一切法相皆自空，是時心則平等。

三、顯所得益

菩薩住是等中，能得阿耨多羅三藐三菩提。

²⁷⁷ 〔有〕—【宋】【宮】。（大正 25，605d，n.16）

²⁷⁸ 行+（是）【元】【明】。（大正 25，606d，n.1）

²⁷⁹ 無+（有）【元】【明】【石】。（大正 25，606d，n.2）

²⁸⁰ 《大般若波羅蜜多經》卷 456〈62 同性品〉：

善現！若菩薩摩訶薩作如是念：「此非般若波羅蜜多，此非修時，此非修處，此非修者，非由般若波羅蜜多遠離一切所應捨法，非由般若波羅蜜多定能證得一切智智。所以者何？以一切法皆住真如、法界、法性、不虛妄性、不變異性、平等性、離生性、法定、法住、實際、虛空界、不思議界，此中一切皆無差別。」善現！若菩薩摩訶薩能如是行，是行般若波羅蜜多。（大正 7，301b13-21）

²⁸¹ （1）《正觀》（6），p.192：參見《大智度論》卷 5（大正 25，97a-c）、卷 40（大正 25，353a-b）。

（2）「眾生等忍

二種等忍—法等忍（印順法師，《大智度論筆記》〔B029〕p.170）

²⁸² 《正觀》（6），p.192：參見《摩訶般若波羅蜜經》卷 19〈62 魔愁品（同學品）〉（大正 8，356c10-357a7），《放光般若經》卷 14〈63 釋提桓因品〉（大正 8，100a20-b9）。

²⁸³ 《大智度論疏》卷 24：

「如稱兩頭」已下，欲論生、法既各自參差*，今得此二等，則生、法均平，故云如稱也。當說。（卍新續藏 46，906a17-18）

*參差：1.不齊貌。2.紛紜繁雜。7.不一致，矛盾。（《漢語大詞典》（二），p.843）

²⁸⁴ 停：10.均等。《敦煌變文集·無常經講經文》：“纔亡三日早安排，送向荒郊看古道。送迴來，男女鬧，為分財不停懷懊惱。”（《漢語大詞典》（一），p.1556）

²⁸⁵ 法=二【元】【明】【宮】【石】。（大正 25，606d，n.3）

貳、教平等學

（壹）除顛倒行〔陳問意〕

須菩提復問²⁸⁶：「為色等盡故，為學薩婆若？」

觀色等無常、念念滅不住，若得是觀，心則離色；心離色故，諸煩惱滅；煩惱滅故，得不生法。

須菩提問：「如是學為學薩婆若？」

（貳）明究竟行

一、佛反問

佛反問須菩提：「於汝意云何？色等諸法如及如來如——是如為盡、滅、斷不？」

二、須菩提答

須菩提言：「不！」

是如從本已來，不集、不和合，云何有盡？

本來不生，云何有滅？²⁸⁷

是法本來虛誑，無有定相，云何可斷？

三、佛結成

「須菩提！菩薩摩訶薩能如是學如，為學薩婆若。」

是「如」常、不可證、不可滅、不可斷；是盡、離、斷，除顛倒故行，非是究竟。²⁸⁸

此中說究竟事，於是佛讚歎：「如是學，雖不定為一法故學²⁸⁹而學薩婆若。」

參、明等學之利益

（壹）略說學六度等為學薩婆若

若學薩婆若，即是學六波羅蜜等；若能學六波羅蜜（606b）等，是為盡諸學邊²⁹⁰。

（貳）廣明等學之利益

一、正明等學之益

若盡諸學邊，是人無量福德、智慧具足故，魔、若魔民無能降伏。

如是正學故，直到阿鞞跋致地。

如是學，為學佛所行道。

如是學，皆為十方諸佛及大菩薩、諸天、善人所守護。

能如是學，是人無有邪見、心無所著，於一切眾生能起大慈大悲；

大慈大悲故，能教化眾生；

眾生心清淨故，佛界²⁹¹清淨；

²⁸⁶ 《大智度論疏》卷 24：

「須菩提復問」已下，釋第二分經文也。並當一一對上文說。（卍新續藏 46，906a19-20）

²⁸⁷ 不：不生不滅不盡不斷不集。（印順法師，《大智度論筆記》〔E010〕p.303）

²⁸⁸ 盡、離、斷，除倒非究竟。（印順法師，《大智度論筆記》〔E016〕p.313）

²⁸⁹ 〔學〕—【宋】【元】【明】。（大正 25，606d，n.4）

²⁹⁰ 《大智度論疏》卷 24：

六波羅蜜既是因性，總攝萬行，故云「盡諸學邊」也。（卍新續藏 46，906a20-21）

²⁹¹ （世）+界【宮】，界=國【石】。（大正 25，606d，n.5）

佛界清淨已，得佛道，三轉十二行法輪，以三乘度無量眾生。

以大乘度眾生故，不斷佛種；

不斷佛種故，於世間常開甘露法門，常示眾生無為性。

「無為性」者，所謂如、法性、實際、涅槃。

「甘露」者，無為性；「門」者，三解脫門。

二、舉劣說勝

(一) 釋經：「下劣之人不能作是學」

1、下劣人

(1) 釋「下劣」

「下劣」者，名懈怠、放逸，不樂佛法，不一心行道，罪福雜行。

(2) 下劣人不能學平等法之原因

如是等，不能學是法。何以故？

A、貪欲因緣

是下劣者作是念：「我身及親²⁹²屬是我所應護，諸餘眾生何豫²⁹³我事，而以頭目髓腦施之，令其得樂？一切人皆方便求樂，我今何為捨樂求苦？」

B、邪見因緣

或生邪見，復作是念：「眾生無量無邊，度不可盡；若可度盡，即是有量有邊，一佛便可度盡。」²⁹⁴

或作是念：「佛說一切法空、不生不滅，我復何所度？求佛道、不求佛道，同如幻夢。」

C、結

如是等下劣人，以種種邪見、貪欲因緣故，不能學此大法。

2、大人

或時有大人²⁹⁵出世，籌量、思惟諸法實相，所謂非常非無常，非有邊非無邊，非有非無等；行如是道，破顛倒見；還捨此道，直入法性，常住是清淨法性中。²⁹⁶以一切眾生不知是事故，生大悲心，然後修集六波羅蜜等諸功德、佛神通、智慧、無礙解脫，得阿耨多羅三藐三（606c）菩提；以種種方便門，廣度眾生——如是人為希有。

²⁹² 親=雜【宮】。(大正 25, 606d, n.6)

²⁹³ 豫：14.通「與」。關涉，牽涉。(《漢語大詞典》(十), p.38)

²⁹⁴ 有邊——眾生應可度盡
世界有邊、無邊是邪見 無邊——佛不應有一切智

(印順法師,《大智度論筆記》[A011] p.21)

²⁹⁵ 《大智度論疏》卷 24：

「或時有大人」已下，明學大法行大智慧如是等故，名為大人，所謂思諸實法也。當說。(卍新續藏 46, 906a22-23)

²⁹⁶ 行是道，破倒見

雙非 捨此道，直入法性住 (印順法師,《大智度論筆記》[B029] p.171)

（二）釋疑：「眾生無量無邊云何度，眾生若空云何可度」

問曰：如先說「眾生無量無邊」，又言：「眾生空，復何所度？」如是云何可有所度？

答曰：

1、下劣人因懷邪見故作如是說

此是下劣人所說，何足以之為證？

復次，先所說：以邪見、貪欲因緣故，下劣之人²⁹⁷作是念言「眾生有邊、無邊」、「一切法空無所有、一切法常實」——皆是六十二邪見所攝。

2、菩薩學平等學，住於法性中常生大悲心，欲拔一切沈沒生死眾生

大人無欲，思惟、籌量，離如是過罪，住於法性，生大悲心；譬如大人但以施心施與他財，而不取價。

貪欲之人，求因緣而與；邪見之人，依有邊、無邊等，無有能無利²⁹⁸事而有所作。譬如小人市易²⁹⁹，求利乃與。

又復大人菩薩無所求欲，能以頭、目等施與眾生，所得果報，亦以施與；一切法心無所依，而能集諸功德。

是故佛說：「欲拔一切眾生沈沒生死者，能如是學。」

（三）略述其他殊勝功德

復次，菩薩³⁰⁰如是學者，

常有慈悲憐愍心，不惱眾生故，不墮地獄；

常觀因緣諸法實相，不生愚癡故，不墮畜生；

常行布施，破慳貪心故，不生餓鬼中。

佛所說十二部經、八萬四千法聚，常不悞惜故，不生邊地。

常供養尊長、善人，破憍慢故，不生旃陀羅等下賤人中。

深心愛眾生，具足行利益事故，受身完具。

以善法多化眾生故，眷屬成就，終不孤窮。

深愛樂尸羅波羅蜜故，不行十惡道及以邪命。

無有我心，但利益眾生、不自為身故，**不攝惡人及破戒者**。

※ 辨「惡人」與「破戒者」之別

「惡人」名心惡，「破戒」者名身、口惡。

復次，行三不善道名「惡人」，行七不善道名「破戒」。

復次，菩薩，若在家攝惡人名「惡人」，出家攝惡人名「破（607a）戒」。

※ 辨「不攝惡人」之意

問曰：菩薩為度惡人故出現於世，譬如良醫療諸疾病，何以故不攝惡人？

²⁹⁷ 人+（生）【宋】【宮】。（大正 25，606d，n.7）

²⁹⁸ 〔利〕—【宋】【宮】。（大正 25，606d，n.8）

²⁹⁹ 市易：1.交易，貿易。（《漢語大詞典》（三），p.687）

³⁰⁰ 〔菩薩〕—【宋】【宮】。（大正 25，606d，n.9）

答曰：惡人、破戒者，有可化、有不可化，此中但說不可化者——若攝取共住，則自壞其道，於彼無益；譬如救溺，自不能浮而欲濟³⁰¹彼，二俱不免。是故說「遠離惡人」。

※ 釋「以方便力不生長壽天」

以欲界³⁰²多惡，生憐愍心故，生欲界中；雖行禪，心調柔軟³⁰³，以方便力故，命終時不隨禪生——如《經》中廣說。

三、得化他利益

「須菩提！菩薩如是學，於一切法中得清淨，所謂淨聲聞、辟支佛心。」

「淨」名捨離、無所有、畢竟空。

須菩提白佛言：「若一切法從本已來空、清淨，云何言『菩薩如是學，得一切法中清淨』？」

佛可須菩提言，為說因緣：

「若菩薩知一切法從本已³⁰⁴來空、清淨，於是中心不沒、不却」——「不沒」名不疑、不生邪見；「通達」，不與空諍——「是名般若波羅蜜」。

一切凡夫人不知不見如是清淨法；為是人故，行六波羅蜜等³⁰⁵諸助道法。

菩薩法應教化是眾生，是名菩薩一切法中得清淨，所謂捨三界顛倒，過聲聞、辟支佛地，一切法中得清淨智慧力；得是功德故，三世十方一切眾生心心數法，心所行³⁰⁶起種種業因緣悉能遍知；知已，隨其所應，為說法開化。

如是等利益，皆是學般若故得，是故言「盡諸學邊」。

肆、歎法勸修

(壹) 舉喻顯能如說行般若者稀有

「少有能如是學，是人難得！」

佛欲令此義明了，故說譬喻——金銀及轉輪聖王業等。

(貳) 學般若功德勝，勸修學

一、不生煩惱心

復次，菩薩學是般若時，不生慳等心。

「不生慳等心」者，菩薩學般若波羅蜜故，抑制諸煩惱；煩惱雖未盡，無所能作，是故言「不生」。

³⁰¹ 濟：5.救助。(《漢語大詞典》(六)，p.190)

³⁰² 《大智度論疏》卷 24：

「以欲界」已下，明菩薩以欲界眾生多諸惡欲等故，生於欲界度之；但為調心故脩諸禪，而不隨生也。(卍新續藏 46，906a23-b1)

³⁰³ 軟=濡【宋】【元】【宮】。(大正 25，607d，n.1)

³⁰⁴ 〔已〕—【宋】【宮】。(大正 25，607d，n.2)

³⁰⁵ 《大智度論疏》卷 24：

「為是人故行六波羅蜜等」已下，若諸小菩薩，或為破慳貪故行檀波羅蜜，為除破戒故行尸羅；若謂大菩薩，本無慳貪破戒等事，所行諸波羅蜜，但為眾生而行之也。(卍新續藏 46，906b1-4)

³⁰⁶ 所行=行所【宋】【元】【明】【宮】。(大正 25，607d，n.3)

二、無取相著心

菩薩行般若，知一切諸法（607b）相皆虛誑不實故，是以不取色乃至阿耨多羅三藐三菩提相。

何以故？不欲令墮有無見中故，直行中道，集菩薩行。

此中佛自說因緣：「菩薩行般若，於一切法無所得，無所得故，無有法可取相——若善、若不善等。」

三、總攝諸波羅蜜

（一）法說

菩薩若能如是學，總攝諸波羅蜜。檀等諸波羅蜜不離般若波羅蜜，般若波羅蜜力故，令餘波羅蜜離諸邪見貪著，各得增長。

（二）舉喻明理

佛欲令此義明了故，說譬喻——如我見及命根³⁰⁷等³⁰⁸。

※ 因論生論：常見、斷見等云何攝入我見中

問曰：我見、諸見各有別相，云何攝入我見中？

答曰：雖有別相，**我見**是本。

人以無明因緣故，空五眾中生我見；³⁰⁹生我見故，言「是身死，如去、不如去」。

若如去，則是**常見**；

若不如去，則是**斷見**。

若謂斷滅，現今受樂、著五欲，以惡法為最——則生**見取**。

若謂常，出家學道，持戒、苦行——則生**戒取**。

或時見斷、常俱有過故，便言「無因緣果報」——則生**邪見**。

住是五見中，世間常無常、前際後際等，生五十七見。

是故說「身見攝六十二見」，無咎。³¹⁰

四、釋「四、超勝一切眾」乃至「九、遠離二乘，疾近佛乘」

如是等種種因緣譬喻故，知般若波羅蜜諸法中最第一；般若波羅蜜諸法中最第一故，菩薩學是般若故，於眾生中第一。佛欲以是事善化眾生故，說譬喻：「須菩提！於汝意云何？三千大千世界中眾生多不？」

如是等，乃至「菩薩如是學，當知是不退轉，遠離二乘，近佛乘。」

伍、明「行法得失」

（壹）邪行相——著心取相³¹¹

³⁰⁷ 根＝相【宋】【宮】。（大正 25，607d，n.4）

³⁰⁸ 等＝盡【宋】【元】【明】【宮】。（大正 25，607d，n.5）

³⁰⁹ （1）煩惱：無明力故身見生。（印順法師，《大智度論筆記》〔C018〕p.217）

（2）無明因緣生我見。（印順法師，《大智度論筆記》〔E023〕p.321）

³¹⁰ 五見：我見為六十二見本。（印順法師，《大智度論筆記》〔E015〕p.312）

復次，佛告須菩提：「若菩薩作是念：『是般若波羅蜜。』」

「是般若波羅蜜」者，示般若波羅蜜相——若有、若無等，見般若、得般若、著般若等。

「我以是般若波羅蜜得一切種智」者，五眾³¹²和(607c)合假名菩薩；菩薩隨逐假名字計以為我，以是般若有所作。般若是³¹³無著相；而是人說有相般若是³¹⁴第一義——是人隨假名而生我心。般若是無作相；而是人欲用般若有所作，所謂我用是般若得阿耨多羅三藐三菩提。是故佛言：「作如是念者，不名行般若。」

(貳) 遮邪行相——破是著相

若不如是念，名為行般若波羅蜜。

(參) 示正行相——破邪著，亦說實相

問曰：作是念、不作是念，事已盡，何以復有第三說？

答曰：初者是邪行相，第二遮邪行；未說正行³¹⁵相，是故第三說正行相。

復次，初是著心取相；第二破是著相，不說云何是諸法相；第三中破邪著，亦說實相。

菩薩作是念：「於一切處，不顯示般若波羅蜜相；亦不生我心、我用般若波羅蜜有所作；但知一切法常住如、法性、實際中，於如、法性、實際中不諍。」

是故說第三，無咎³¹⁶。

³¹¹ 〔邪行相——著心取相
第三次第—遮邪行相——破是著相
└示正行相——破邪著，亦說實相 (印順法師，《大智度論筆記》〔B029〕p.171)

³¹² 眾=陰【石】。(大正 25, 607d, n.6)

³¹³ 是+ (無得)【宋】【元】【明】【宮】【石】。(大正 25, 607d, n.7)

³¹⁴ 是=見【石】。(大正 25, 607d, n.8)

³¹⁵ 〔行〕—【宋】【元】【明】【宮】。(大正 25, 607d, n.9)

³¹⁶ (1) 咎+ (釋第六十二品竟)【石】。(大正 25, 607d, n.10)

(2) 咎(ㄐㄨㄛˋ)：2.罪過，過失。(《漢語大詞典》(三)，p.309)